

希伯來人書

上帝託伊的子講話

上帝佇 (tī) 在早已經託許
 個 (chia̍h ē) 先知用多多 (choe
 - chōe) 段、多多方法給列祖講，²
 今 (ta̍) 佇許個日的路尾託伊的子給
 咱講；就是伊所設立做承接萬物的
 後嗣 (hō-sū) ，亦曾 (bat) 對伊來創造
 諸個 (chia̍h ē) 世界。³ 伊是上帝的
 榮耀所發出的光，是上帝本質的真
 像，伊用伊權能的話嘞 (teh) 扶載萬
 物。已經成清潔罪的事，就坐佇極
 高的天頂大威嚴者的大旁。⁴ 成做
 比諸個 (chia̍h ē) 天使卡大，合佇伊
 所承接的名，比個卡尊貴。
 子兒贏過天使

⁵ 因為上帝曾對甚麼天使講：
 你就是我的子，
 我今仔日生你？
 閣講：我欲做伊的父，
 伊欲做我的子？

⁶ 到伊閣導大子入世間的時，就講
 ；
 上帝諸個天使攏著拜伊。

⁷ 論到天使，就講：
 互伊的天使做風，
 伊的差用做火焰；

⁸ 若是論到子就講：
 上帝啊，你的座位代代佇嘞 (tī-
 teh) ；
 你的國權柄是正直的權柄。

⁹ 你愛公義，怨恨不法；
 所以上帝，你的上帝，用歡喜的
 油抹你，
 贏過你諸個同伴；

¹⁰ 閣講：主啊，起頭的時你下 (hē)
 地地基；
 諸個天亦是你的手所造的。

¹¹ 個欲滅無，獨獨你久長佇嘞。
 個攏欲親像衣服漸漸舊；

¹² 你欲將個捲起來，親像外衫，親
 像衣服，
 個就欲變換。
 獨獨你原在是按呢；
 你的歲壽無窮盡。

¹³ 上帝曾對叨落 (tā-loh) 一個天使
 講：
 坐我的大旁，
 聽候我下你的對敵做你的腳踏椅
 ？

¹⁴ 個豈毋是攏做差用的神、奉差來
 服事嘞欲得救的人嘞？
 即呢大的拯救

2 所以咱著益發致意所聽見
 的，驚了咱會致到溜去。²
 因為對天使所傳的道理尚且 (siōng-
 chhiān) 是堅固；也見若干犯違逆的
 代誌攏抵著 (tā-tiōh) 應該受的報應
 。³ 咱若忽略即呢大的拯救，豈會
 逃閃嗎？此個拯救既然是主起頭講
 的，聽見的人干證到實實互咱。⁴
 閣上帝用諸個 (chia̍h ē) 神蹟、奇事
 、逐項的權能，及聖神的賞賜，攏
 照家己的旨意，及個相及 (sā-kap)
 干證。
 拯救的首領

⁵ 因為阮所講嘞 (teh) 來的世界，
 上帝未曾 (bat) 互伊降服佇 (tī) 天使
 。⁶ 獨獨有干證佇某所在的講：
 人是甚麼，互你數念 (siāu-liām)
 伊？

巴克禮修訂版台語漢字本

人的子是甚麼，互你看顧伊？
 7 你互伊略仔卡輸天使，
 閣用榮光尊貴，互伊做冕旒，
 閣設立伊佇(tī)你的手所造者的
 頂面，
 8 互萬物擺降服佇伊的腳下。
 已經互萬物擺降服伊，就無剩(chhun)
 一項物無降服伊。總是到今(taⁿ)
 咱猶(γáu)未看見萬物擺降服伊。
 9 獨獨看見彼個略仔卡輸天使的
 耶穌；為著受死的艱苦，得著榮光
 尊貴做冕旒，通對上帝的恩，為著
 眾人受死。10 因為萬物所為著伊、
 萬物所對伊的，咱(teh)導多多(choe-
 chōe)子到佇榮光，就互救個的首領，
 對苦難來成(chhiāⁿ)完全，本是合
 宜。11 因為彼個互人成聖的及許個
 (chiah ē)得著成聖的，擺對一個出。
 所以伊稱個做兄弟無掠(chiah)做見
 誚，12 講：
 我欲報揚你的名佇我的兄弟，
 謳佬(o-lō)你佇會中；
 13 閣講：
 我欲倚靠伊；
 閣講：
 看啊，我及上帝所互我的子兒。
 14 今(taⁿ)諸個(chiah ē)子兒既然
 相同有血肉的體，伊本身亦平平有
 9 欲用死來廢無有死的權勢的，就
 是魔鬼，15 亦欲互一生驚畏死到親
 像做奴才者，擺得著解放(chhāu-
 pang)。16 因為伊無牽救天使，是牽
 救亞伯拉罕的後裔(hō-è)。17 所以
 ，凡事伊著及兄弟相同，通佇上帝
 的事做憐憫忠信的祭司頭，因為百
 姓的罪獻挽回的祭。18 因為伊已經

受苦來抵著試，就會幫助諸個受試
 的人。
 耶穌贏過摩西
 3 所以，恁諸個(chiah ē)聖
 的兄弟同得著天召的，著深
 想咱所承認做使者、做祭司頭的耶
 穌。2 伊盡忠佇(tī)設立伊的，親
 像摩西佇上帝的全家一樣。3 因為
 伊算是會堪得受榮光贏過摩西，親
 像建立家的比家長尊貴；4 因為家
 擺有人建立伊，獨獨建立萬物的就
 是上帝。5 閣摩西做奴僕，果然盡
 忠佇上帝的全家，來干證將來欲傳
 的事。6 獨獨基督做子，治理伊的
 家；咱若執守對向望所有的好膽及
 誇。堅固到尾，就做伊的家。
 上帝百姓的安息
 7 所以親像聖神講：
 今仔日恁若聽見伊的聲，
 8 就毋通(m-thang)剛硬恁的心，
 親像佇激我受氣的時、
 佇曠野試探我的日。
 9 佇遐(tī hia)，恁的列祖顯來試我
 ，
 閣歷過四十年看見我的所行。
 10 所以，我無歡喜彼代的人，講：
 個的心常常失迷，
 毋識(m-bat)我諸個路！
 11 我就佇受氣中咒誓(chhiū-chōa)，
 講：
 個斷斷會(bōe)得通入我的安息。
 12 兄弟啊，恁著謹慎，驚了恁中
 間，豈採有人因(khng)毋信的歹心
 ，離開真活的上帝。13 所以恁著趁
 猶(γáu)有通叫做今仔日的，日日
 相勸勉，驚了恁中間有的互罪迷去

奇數頁

，來硬心。¹⁴因為咱若持守起頭的深信堅固到路尾，就有份佇 (tī) 基督。¹⁵當猶叻 (teh) 講：「今仔日恁若聽見伊的聲，就咱通剛硬恁的心，親像佇激我受氣的時。」¹⁶因為聽來激受氣的，是是誰 (chi-chhui) 啊？豈毋是隨 (tē) 摩西出埃及的眾人嗎？¹⁷上帝四十年久，所無歡喜的是是誰啊？豈毋是犯罪、身屍倒佇曠野的人嗎？¹⁸上帝咒誓 (chiū-chōa) 咱准入伊的安息的，若毋是咱信趁的人是是誰啊？¹⁹對按呢看，個會入，就是因為咱信。

4 1 所以有入伊的安息的應允留叻 (teh) 互相，就著驚惶，驚見恁中間豈採有人親像得無著。

2 因為福音有傳互咱，親像傳互個；總是所聽的話無利益個，因為聽的人無用信及道理相合。³因為咱已經信的是入此個安息，照伊所講：「我就佇 (tī) 受氣中咒誓 (chiū-chōa) 講：『個斷斷會 (bōe) 得通入我的安息！』」其實諸個 (chiah ê) 工，對創世間以來已經成 (chiā) 啦！

4 因為論到第七日，佇某所在有按呢講：「上帝佇第七日，明白伊擺總的工來安息。」⁵亦佇此所在閣講：「個斷斷會得通入我的安息！」⁶所以此個安息，猶叻聽候有人入，若是許個 (hiah ê) 代先得著福音的，因為咱信趁，才無入。⁷歷過多多 (chōe-chōe) 年，佇大衛的冊內，伊閣定一日，講今仔日親像頂面所講：「今仔日恁若聽見伊的聲，就咱通剛硬恁的心。」⁸因為約書亞若曾 (bat) 用安息賞賜百姓，就

後來的確無講起別日。⁹對按呢看，猶 (iāu) 有安息給上帝的百姓留叻。¹⁰因為入伊的安息的，是明白伊擺總的工來安息，親像上帝明白伊的工來安息。¹¹所以咱著盡力來入此個安息，免得有人跛倒佇 (tī) 像 (siāng) 彼樣的咱信。

¹²因為上帝的道是活的，是有功效的，比一切雙面的劍卡利，凡若魂及神，骨節及骨髓 (kut-chhé)，無咱刺入、破開，心內諸個 (chiah ê) 念頭及主意亦無咱鑑察。¹³閣所創造的佇伊的面前無一項蓋密 (khām-bat)；就是萬物掀開露出，佇審判咱者的目前。

大的祭司頭耶穌

¹⁴所以咱已經有大的祭司頭，上帝的子耶穌，經過許個 (hiah ê) 天，就著執守所承認的。¹⁵因為咱所有的祭司頭咱是會體貼咱擺總的軟弱。就是凡事平平有受試，若是無罪。¹⁶所以，咱著好膽就近恩典的座位，通受憐憫，也得著恩典，做及時的幫助。

5 1 因為對人的中間所揀的祭司頭，擺是為著人佇 (tī) 關係上帝的事來設立，通為著罪過獻禮物及祭祀 (chê-sū)。²伊既然互軟蕊 (nng-chiā) 所圍困，才會體諒咱知影及失迷的人。³所以，伊應該因為本身，親像因為百姓為著罪來獻祭。⁴閣此個尊貴，咱是人象已取，只有互上帝召的，親像亞倫一樣。

⁵親像按呢，基督亦咱是家己尊做祭司頭，就是彼個對伊講「你就

巴克禮修訂版台語漢字本

是我耐子，我今仔日生恁」者；⁶
 佇 (tī) 別位亦講：「你永遠做祭司
 ，照麥基洗德的班列。」⁷ 基督佇
 伊恁 (tiam) 肉體的日子，用出力喉叫
 ，鬧流目屎，獻祈禱，懇求互彼個
 會救伊出死者，鬧因為伊的敬虔得
 著聽見。⁸ 雖然做子，亦對所受諸
 個 (chiah ē) 苦難來學順服。⁹ 已經
 成做完全，就做凡若順服伊的人永
 遠拯救的根源，¹⁰ 互上帝稱伊做祭
 司頭，照麥基洗德的班列。

警戒背道的人

「論到此個，阮有多多 (chōe-chōe
) 話夢講，毋拘偸得 (oh-tit) 解明，
 因為恁耳孔鈍的緣故。¹² 因為論到
 時的久，恁著家已做先生，若是猶
 欠用人將上帝的話諸個小學 (siāu-
 hāk) 的起頭教恁，鬧成做欠用奶、
 無欠用五穀 (ngō-kok)。¹³ 凡若食奶
 的無老練義的道理，因為伊是嬰仔
 ；¹⁴ 獨獨長成的人食五穀；個的心
 竅 (sim-khiāu) 對練習來練達，到會
 分別好歹。

6 所以，基督道理的初學 (chhō-hāk)
)，咱且 (chhiān) 放下
 啲 (pāng-hē teh)，來致意進步到完
 全，免鬧下 (hē) 地基，就是反悔來
 脫離諸個 (chiah ē) 死死的所行，及
 信上帝、² 諸個洗的禮數，以及摺
 手 (hōa-chhiū)、死人復活，及永遠
 的審判，諸個教訓。³ 上帝若准，
 阮就欲按呢行。⁴ 因為人已經曾 (bat)
 得著光照、受著天裡的恩賜，
⁵ 有份佇聖神，鬧受著上帝的好話
 、及咱來的世界諸個權能，⁶ 後來
 背叛，就繪 (bōe) 會互個鬧換新來反

悔。因為個家已鬧釘上帝的子佇 (tī)
 十字架，來顯明凌辱伊。⁷ 因為
 土地，食著皆皆 (tauh-tauh) 渚的雨水，
 來生菜蔬，合作穡 (chōh-sit) 人
 的路用，就得著上帝賜福；⁸ 若是
 生草萊及蕪藜 (chit-lé)，就受桑抹，
 近佇受咒詛，伊的結局就是燒燬去
 (sio-liō-khi)。⁹ 所疼的兄弟啊！阮
 雖用按呢講，若是深信恁逐項卡贏
 這，鬧屬佇得救。¹⁰ 因為上帝毋是
 無公道，來繪記得恁的工，及恁為
 著伊的名所顯明的仁愛，因為恁平
 素服事諸個 (chiah ē) 聖徒，到今 (tān)
 亦服事個。¹¹ 我受恁逐人猶原
 (iū-goān) 顯出比號的殷勤，互恁的
 向望滿足，到路尾。¹² 互恁無致到
 負憚 (pīn-tōan)，就是學許個 (chiah ē)
 對信及吞悞 (thun-lūn) 來承接諸個應
 允的人。

上帝確實的應允

¹³ 今 (tān) 上帝應允亞伯拉罕的時
 ，因為無卡大的通指來咒誓 (chiū-
 chōa)，就指本身來咒誓，講：¹⁴ 「
 我賜福，欲賜福你；加添 (ke-thiān)
 欲加添你的後裔 (hō-e)。」¹⁵ 親像
 按呢，亞伯拉罕勢 (gāu) 吞悞，就得
 著所應允的。¹⁶ 因為人是指卡大的
 來咒誓，亦用咒誓做相爭的結尾，
 來決定伊。¹⁷ 按呢，上帝愛欲格外
 顯明伊的旨意繪移易 (i-ek)，互許個
 承接應允的人知，才用咒誓來做證
 見 (kiān)。¹⁸ 欲對二項繪移易的事，
 上帝所繪會百賊的，互咱有大大
 的安慰，就是咱已經逃離來搞 (khin)
 所下行 (hē-ti) 頭前的向望。¹⁹ 咱為
 此個向望，親像靈魂的誌 (tīān)，拋

奇數頁

(pha) 佇帳簾 (tiūⁿ-lī) 內，堅固無移徙 (ī-sóa)。²⁰ 耶穌做先鋒，已經為著咱入去遐 (hia)，成做永遠的祭司長，照麥基洗德的班列。

麥基洗德祭司的班列

1 因為此個麥基洗德就是撒冷王，也是至高上帝的祭司。早抵著 (tū-tiōh) 亞伯拉罕劍 (thài) 贏諸個 (chiah ê) 王倒來的時，給伊祝福的。² 亞伯拉罕亦將一切所得著的，抽十份一互伊。伊的名翻譯就是義的王，閣是撒冷王，就是平安王。³ 伊無父，無母，無世系，無時日的起頭，無活命的路尾，是親像上帝的子久長啲 (teh) 做祭司。

⁴ 試想，先祖亞伯拉罕將所得著上等的物抽十份一互伊，就被人尊貴到怎樣！⁵ 今 (taⁿ) 利未的子孫擔當祭司的職的，雖然及百姓攏是亞伯拉罕的後裔 (hō-è)，平平是兄弟，猶久 (iáu-kú) 奉命令，照律法對百姓提十份一。⁶ 總是彼個，無屬利未的世系的，曾 (bat) 對亞伯拉罕提十份一，閣給得著諸個應允的祝福。⁷ 獨獨序細 (sī-sōe) 互序大祝福，這是無通辯駁 (piān-pok)。⁸ 今佇遮 (tī-chia) 提十份一的攏是會死的人；若是佇遐 (tī-hia) 是彼個有受干證講，伊是活的；⁹ 閣也會講得連提十份一的利未，也曾在佇亞伯拉罕來納十份一。¹⁰ 因為麥基洗德抵著亞伯拉罕的時，利未猶久佇個祖的身軀。

¹¹ 早百姓受律法是佇利未族祭司的職任下，若對伊會得著完全，就也使 (mih-sái) 另外閣興起一個祭司

，照麥基洗德的班列，無講照亞倫的班列啊？¹² 因為祭司的職已經改換，就律法亦的確著改換。¹³ 因為諸個 (chiah ê) 話所指的是屬佇 (tī) 別個支派，個中間未曾 (bat) 有人跟隨 (kun-sūi) 佇祭壇。¹⁴ 是咱的主明明對猶大出；論此個支派，摩西未曾提起祭司的職。¹⁵ 閣若照麥基洗德的款式，有興起別個祭司。¹⁶ 咁是照肉體誠命的法來設立，是照繪 (bōe) 毀壞的活命的權能，就頂面所講的理嶄然卡明。¹⁷ 因為有干證伊講：「你永永做祭司照麥基洗德的班列。」¹⁸ 因為前的誠命，廢無，是為著伊的軟弱及無利益，¹⁹ (因為律法無做一項到完全) 才設立閣卡好的向望；就是咱所對伊來親近上帝的。

²⁰ 閣因為伊咁是無對咒誓 (chiū-chōa) 來設立。²¹ 個許個 (chiah ê) 立做祭司，無對咒誓，獨獨此個就對咒誓；因為設立伊的有給伊講：「主咒誓，無退悔，你永永做祭司。」²² 親像按呢，耶穌做閣卡好的約的保認。²³ 許個做祭司的，因為互死阻隔，繪會久長，所以著真多人。²⁴ 獨獨此個因為永永佇啲 (tī-teh)，有繪改換的祭司職。²⁵ 所以凡若對伊就近上帝的人，伊會救個到完全；因為伊長長活，來替個祈求。

²⁶ 因為此號的祭司頭合 (hāp) 咱的欠用，伊是聖、無歹、無拉攏 (lā-sām)、離開罪人，成做卡高諸個天。²⁷ 伊咁免親像許個祭司頭，著日代先為著家己的罪，後來為著百姓的罪，來獻祭；因為伊獻本身，

巴克禮修訂版台語漢字本

就做一下成此個事。²⁸因為律法設立軟荳 (nńg-chiáⁿ) 的人做祭司頭；獨獨律法後咒誓的話，設立子永遠做完全的祭司頭。

卡好的約的大祭司

 ¹今 (taⁿ) 阮所講，其中第一要緊的，就是咱有親像此號的祭司頭，已經坐佇 (tī) 天頂大威嚴的寶座的大旁，²伊做聖所，及真的會幕的差用，此個會幕是主所設的，毋是人所設的。³凡若祭司頭擺為著獻禮物及祭祀 (chē-sū) 來設立，所以此個祭司頭亦的確著有所獻。⁴設使伊佇地裡，就無做祭司，因為已經有照律法啲 (teh) 獻禮物的。⁵個所用來服事的，就是天裡的物的像 (siōng) 及影，親像摩西欲造會幕的時，受著命令，講：「你著謹慎，照佇山頂所指示你的款式來造逐項物。」

⁶今 (taⁿ) 耶穌已經得著卡尊貴的職，是伊做閣卡好的約的中保；就是用閣卡好的應允來設立的。⁷因為頭一個約若無通嫌，就無想欲立第二個約。⁸因為有嫌個，就講，主講：

你看，時日欲到，我欲及以色列家以及猶大家，成立新的約，

⁹毋是照我及個列祖所立的約，就是佇牽個的手，導個出埃及地的時，所立的；因為個無常常守我的約，我也無看顧個。這是主所講的。

¹⁰主閣講：

諸個 (chiah ê) 日了後，我及以色列家所欲立的約是此個：

就是我欲將我的律法下佇 (hē-tī) 個的頭腦，刻佇 (tī) 個的心；我欲做個的上帝；個欲做我的百姓。

¹¹個逐人將來無教示個本城的百姓及個逐人的兄弟，講：你著識 (bat) 主；因為對細到大，個擺欽識我。

¹²因為我欲憐憫個的不義，無閣記念個的罪惡。

¹³既然有講新的，就是至前的約做舊；凡若舊來衰退的，就是將近無去。

地上及天頂的聖所

 ¹今 (taⁿ) 彼個前的約亦有服事的禮儀及屬世間的聖殿。

²因為有備辦會幕，頭前間叫做聖所，彼內面有燈台，及几桌 (kī-toh)，及排列的餅。³第二個帳簾 (tiūⁿ-lī) 後閣有會幕，叫做至聖所，⁴邊 (hia) 有金香壇 (hiūⁿ-tōaⁿ)，及整個 (ka-nńg) 的包金的約櫃，內面有圓 (khńg) 嗎哪的金壺 (kim-ô)，並倫發芽 (puh-gê) 的枋仔，及約的石碑 (pi) 二塊；⁵櫃頂有榮光的嘍略兵遮蓋 (jia-khām) 施恩所。此幾項今且 (chhiáⁿ) 免詳細講。

⁶諸個 (chiah ê) 物已經齊備 (chiâu-pī)，祭司常常入頭前間的會幕，盡諸個服事的事。⁷若是第二間，只有祭司頭逐年一擺家己入去，無一擺無帶血，為著本身及百姓的錯

奇數頁

誤來獻。⁸ 聖神按呢指明，前的會幕猶佇啲 (tī-teh) 的時，入諸個聖所的路猶未顯明。⁹ 這是欲做現今的譬喻，照按呢有啲獻禮物祭祀 (chè-sū)，就是繪 (bōe) 會互服事的人照良心，來得著完全的。¹⁰ 因為許個 (hiah ê)，以及飲食 (lim-chiah) 及逐等號的洗，不過是做肉體的禮儀，設立來聽候改正的時。

¹¹ 今 (ta) 基督已經到，做將來諸個 (chiah ê) 好事的祭司頭，經過卡大卡齊全 (chiâu-chîng) 的會幕，咁是人的手所起造，就是無屬佇 (tī) 此世間的；¹² 伊亦咁是用羊及牛仔的血，就是用家己的血，入聖所一擺就夠額，得著永遠的贖回。¹³ 因為牛羊的血，及牛種仔的灰 (hu)，灑 (hiū) 佇無清氣的人，尚且 (siōng-chhiá) 會互個成聖，到佇肉體清氣，¹⁴ 何況基督對永遠的神，獻家己無瑕疵 (hâ-chhū) 互上帝，伊的血豈無閣卡會清氣恁的良心，脫離諸個死的所行，來服事真活的上帝啊？

¹⁵ 因為按呢，伊做新約的中保，用死來贖前約的時所犯的罪過，是欲互受召的人得著永遠的業的應允。¹⁶ 凡若有遺命 (ûi-bēng) 的確著有遺命的人死的憑據；¹⁷ 因為已經死，就遺命堅固，遺命的人猶活佇啲 (tī-teh)，就遺命欲豈 (thái) 有力？¹⁸ 所以，前的約亦咁是無用血來設立；¹⁹ 因為摩西已經照律法將擺總的誡命傳互眾百姓，就捧牛仔及羊的血，以及水及朱紅色的綿及牛膝草，來灑彼本冊，及眾百姓，講：²⁰ 「此個就是上帝所吩咐恁的約的

血。」²¹ 閣亦照按呢用血灑會幕及所用來服事的器具。²² 閣照律法，逐項物差不多擺是用血互伊清氣；若無流血，就無赦免。

基督獻本身做祭來除去罪。²³ 照天頂的樣所做諸個 (chiah ê) 物，的確著用諸個互伊清氣；就佇 (tī) 天頂的原物，著用比這卡好的祭互伊清氣。²⁴ 因為基督咁是入人的手所造的聖所 (做真聖所的影像的)，就是入佇真的天，今 (ta) 為著咱諸個顯現佇上帝的面前；²⁵ 伊亦免用家己沓沓 (tau-h-tauh) 獻，親像許個 (hiah ê) 祭司頭逐年用牛羊的血入諸個聖所，²⁶ 若按呢，就基督對創造世間以來，著沓沓受苦。獨獨今佇諸個世代的路尾，伊一擺出現，獻本身做祭，來除去罪。²⁷ 閣照所註定的，人有一擺死，以後有審判。²⁸ 按呢，基督已經一擺抵著 (tú-tiōh) 獻，來擔當多多 (chōe-chōe) 人的罪過，欲第二擺對向望伊的人出現來救個，彼時出現及罪無干涉。

10 ¹ 因為律法既然有將來好事的影，無許個 (hiah ê) 物的真形，永永繪 (bōe) 會用逐年常常啲 (teh) 獻相同的祭，互親近的人得著完全。² 若是會，就獻祭的事豈無停息 (soah) 嗎？因為服事的人，一下清氣，就良心無閣知有罪。³ 若是對諸個 (chiah ê) 祭物是互人逐年記得罪；⁴ 因為牛羊的血，繪會除去罪。

⁵ 所以伊來入世間，就講：祭祀 (chè-sū) 禮物你咁愛；

你曾 (bat) 給我備辦身軀。
 6 燒祭及贖罪祭你無歡喜。
 7 彼時我講：你看，我來啦，
 我的事記載佇 (tī) 冊裡，
 上帝，我來是欲行你的旨意。
 8 頂面已經講：「祭祀及禮物，燒
 祭及贖罪祭，你毋愛，亦無歡喜（
 諸個 (chiah ê) 是照律法來獻的）」
 ； 9 後來講：「你看，我來是欲行
 你的旨意」；伊是除去代先的，欲
 設立隨 (te) 後的。 10 佇此個旨意，對
 耶穌基督一擺獻身軀，咱得著成聖
 。

11 閣見若祭司逐日倚啲 (khia-teh)
 來服事，沓沓 (taluh-tauh) 獻許個 (
 chiah ê) 相同的祭，就是永永繪會除
 去罪的。 12 獨獨基督既然獻一個祭
 到佇永遠，就坐佇上帝的大旁。 13
 以後，聽候伊諸個對敵下 (hē) 做伊
 的腳踏椅。 14 因為伊用一擺獻祭，
 互諸個成聖的人永遠做完全。 15 聖
 神給咱做干證；因為伊已經有講：

16 主講：諸個日了後，
 我及個所欲立的約是此個：
 我欲將我的律法下佇 (hē-tī) 個的
 心，
 刻佇個的頭腦。

17 後來就講：
 個的罪惡，個的不法，決斷無閣
 記念。

18 諸個既然赦免，就無閣為著罪獻
 祭。
 勸勉及警戒

19 所以兄弟啊，咱佇耶穌的血既
 然得著好膽入聖所， 20 對伊所給咱
 開新及活的路，按帳簾 (tiūn-lī) 經

過的，此個帳簾就是伊的身體。 21
 閣既然有大祭司治理上帝的家， 22
 咱著用真實的心，充滿的信，心已
 經受灑 (chiū) 免互良心責備，身軀亦
 已經受清水洗，來親近上帝； 23 咱
 所向望的已經有承認，今 (taⁿ) 著堅
 固此個，承認無搖動，因為彼個應
 允咱的是信實。 24 閣著大家相眷顧
 ，來激起仁愛，及行好。 25 咁通放
 息 (pang-soah) 恁的聚會，親像有人
 憤勢按呢，就是著相勸勉，既然看
 見彼日近，閣卡著按呢。

26 因為咱已經得著真知真理，後
 來若甘心啲 (teh) 犯罪，就無閣有贖
 罪的祭； 27 獨獨驚惶來聽候審判及
 欲吞滅對敵的熱火。 28 棄絕摩西的
 律法的，有二人做干證，就互伊
 死無憐憫， 29 何況跣踏 (thūn-tah)
 上帝的子，將互本身成聖的約的血
 做俗物，閣侮慢施恩的聖神，恁想
 ，彼號人應該受的刑罰著加倍重啊
 ！ 30 因為咱知是誰 (chī-chūi) 有講：
 「伸冤在我，我欲報應」；閣講：
 「主欲審判伊的百姓。」 31 陷落佇
 (tī) 真君上帝的手，真通驚啊！

32 恁著記得前得著光照了後，忍
 受患難的大交戰許個 (chiah ê) 日：
 33 或是受詈罵 (lōe-mē)、艱苦，互
 人變弄做戲齣 (hī-chhut)；抑 (á) 是
 人受此號的艱苦，恁亦及伊有份。

34 因為人佇鎖鍊的中間，恁曾 (bat)
 體貼伊，人搶恁的業，恁歡喜忍受
 ，知家已有閣卡好久長佇啲 (tī-teh)
 的業。 35 所以，莫得棄揀恁好膽的
 心；因為這有大報賞。 36 恁要緊著
 吞悞 (thun-lún)，互恁已經行上帝

的旨意，後來通受所應允的。

37 因為閣雲仔久 (tiap-á-kú) 若定，
彼個啲來的欲到，伊無欲延延 (iân-chhiân)；

38 若是我的義人欲對信來活。
設使伊勾狹 (kiu-koeh)，我的心無
歡喜伊。

39 總是咱咁是勾狹致到沈倫的，是
有信致到靈魂得救的。

論信

11 1 信就是所向望者的實在，
及未看見的事的憑準 (pîn-
chún)。2 因為佇 (tī) 此個，就古早
人有得著干證。

3 對信，咱知諸個 (chiah ê) 世界
是對上帝的話來造成；按呢，所看
見的，咁是對會看見的來成。

4 對信，亞伯獻祭 五上帝，比該
隱卡好，對按呢得著干證伊是義，
就是上帝看伊的禮物來做干證。閣
對此個信，伊死了猶啲 (iáu teh) 講
話。5 對信，以諾 受遷徙 (chhian-
sóa)，致到無見著死，人尋伊繪 (bōe)
著，因為上帝遷徙伊；是未遷
徙的代先，有得到干證伊五上帝歡
喜。6 設使無信，就繪會五上帝歡
喜；因為親近上帝者，的確著信伊
有，也是報賞許個 (chiah ê) 求伊的
人。7 對信，挪亞 佇未看見的事，
已經得著默示，就敬畏，來備辦大
船，救伊的家眷。對按呢來定世間
的罪，閣得著承按照信的義。

8 對信，亞伯拉罕 受召的時就順
命令出去，到將來欲得著做業的地
；伊出去，咁知欲去叨落 (tá-lòh)。

9 對信，就出外佇所應允的地，親

像佇咁是家己的地，倚起 (khia-khi)
佇布棚，及以撒、雅各就是相及 (saⁿ-kap)
承接同一樣的應允的。10 因為伊向望有地基的城，是上帝所經
營起造的。11 對信，撒拉，雖罔過
生產的年歲，猶得著會懷孕，因為
伊掠 (liáh) 應允伊的做信實。12 所以
對一人閣是親像已經死者生炭 (thòáⁿ)，
親像天星的多 (chōe)，親像
海沙的繪算得。

13 諸個 (chiah ê) 攏是照信來死，
未曾 (bat) 得著所應允的；獨獨遠遠
看，歡喜來等接 (chih)，閣家已認
佇 (tī) 地上做人客，做出外的。14
因為按呢講的是表明個啲 (teh) 尋一
個祖家。15 個若數念 (siâu-liām) 所
對遐 (hia) 出來的地，就有通倒去的
機會。16 總是今 (taⁿ) 個欣慕閣卡好
的，就是佇天裡的。所以上帝稱做
個的上帝，無掠做見誚，因為已經
替個備辦一個城。

17 對信，亞伯拉罕 受試的時，獻
以撒；就是彼個承受諸個應允的，
獻伊獨生的子。18 曾有給伊講：「
對以撒生的欲稱做你的後裔 (hō-è)
。」19 因為伊掠做上帝對死人中會
五伊復活；所以通譬喻講得著伊對
死倒轉來。20 對信，以撒 論將來的
事祝福雅各、以掃。21 對信，雅各
臨終的時，給約瑟 二個子祝福，倚
枱仔來敬拜。22 對信，約瑟 臨終的
時，念著以色列的後裔欲出埃及，
閣為著伊的骨骸來吩咐。

23 對信，就摩西 出世的時，伊的
父母因為看見子清秀，因密 (khng-
bat) 伊三月日，亦咁驚王的命令。

巴克禮修訂版台語漢字本

24 對信，摩西已經長成咁承認做法老查某子的子。25 卡愛反上帝的百姓相反 (saⁿ-kap) 受苦難，咁愛暫時享受罪惡的快樂。26 掠做有份基督的凌辱比埃及的財寶卡貴氣，是向望報賞的緣故。27 對信，伊離開埃及，無驚王的受氣；堅心忍耐，親像看見所繪 (bōe) 看見的主。28 對信，來設蹠過 (pōaⁿ-kè) 節，及抹血的禮，免得剿滅 (châu-biät) 大子的磕 (kháp) 著個。29 對信，個過紅海親像行乾地；埃及人試行伊，就沈落去。30 對信，焚 (seh) 耶利哥城歷過七日，城就倒壞。31 對信，娼妓喇合用和平接納細作 (sòe-choh)，所以無反咁順趁的人相反滅無。

32 我欲閣講甚麼啊？欲講基甸、巴拉、參孫、耶弗他、及大衛、撒母耳，以及諸個 (chiah ê) 先知，就時無夠額。33 許個 (chiah ê) 人對信，劍 (thâi) 贏諸個國，行公義，得著應允，勒 (nih) 獅的嘴，34 拍熄 (hoa) 火焰，閃避利刀；弱成做強，交戰勇猛，攻破外邦的戰陣。35 有婦仁人得著個的親人對死復活。亦有人受酷 (khok) 毒的刑罰，咁願受贖，是愛得著卡好的復活。36 閣有人受戲弄、鞭拍、以及鎖鍊、關監、諸個試，37 閣有人受石頭擲 (tim)，鋸仔鋸，受誘惑的試，互刀劍死，穿綿羊山羊的皮奔波逐所在，抵著 (tú-tiōh) 喪鄉、患難、暴虐 (pō-giōk)，38 有的佇 (tī) 曠野、佇山嶺、佇石洞、佇地穴 (tōe-hiät)，四界漂流，諸個人是世間繪 (bōe) 堪得有的。

39 個攏已經對信得著干證，若是未曾得著所應允的；40 因為上帝給咱代先備辦閣卡好的事，是欲互個若無咱，就繪得著完全。

主的警戒

1 2 1 已經有做干證的到許多 (hiah-chōe)，親像雲圍咱，就著放下 (pàng-hē) 逐號的重擔，及快快纏絆咱的罪，用吞悞 (thun-lún)，來走所安排佇 (tī) 咱頭前的路站，2 著注神看耶穌，就是做信的源頭及成尾 (chhiāⁿ-bé) 者。伊為著所安排佇伊頭前的快樂，就無要緊凌辱，忍受十字架，今 (taⁿ) 坐佇上帝寶座的大旁。3 伊吞悞互人親像按呢橫逆 (hêng-gék) 伊，恁著想伊，免得恁的心失志來厭倦。

4 恁反罪惡相對敵，猶未曾 (bat) 抵當 (tī-tng) 到流血。5 閣恁繪 (bōe) 記得彼個用理氣勸恁親像勸子的話，講：

我的子啊，主的警戒莫得看輕，互伊責備莫得失志；6 因為主所疼的，就警戒伊，閣凡所接納的子，就用鞭拍伊。

7 恁啲 (teh) 吞悞 (thun-lún)，是做警戒的路用，上帝款待恁親像子。豈可 (thái-thō) 有子無互老爸警戒啊？8 眾子所有份的警戒，恁若無受著。就是偷生者，咁是子。9 閣咱曾有肉體的父警戒咱，咱尚且 (siōng-chhiāⁿ) 敬畏伊，何況咱的神的父，豈咁閣卡著降服伊來得著活嗎？10 因為許個 (chiah ê) 是暫時出在家己的意思來警戒咱；獨獨此個是為著咱的利益，互咱有份佇伊的聖

奇數頁

潔。11 見若警戒的事，佇當時照看
 咁是歡喜，是憂悶；若是後來就佇
 (tī) 許個 (hiah ê) 對警戒來練達的
 人結平安的果子，就是義的果子。

12 所以，腳酸、手軟的，恁著
 伊勇健；13 為著恁的腳，備辦直直
 的路，免得跛腳的人歪斜 (coai-chhoah)
 ，反轉
 伊得著醫好。

警戒棄揀上帝恩典的人

14 著致意及眾人和睦，以及成
 (chiân) 聖；因為若咁是聖無人會見著
 主。15 亦著謹慎，驚了有人失落上
 帝的恩；驚了有苦的根發生 (si") 來
 攪擾 (kiâu-jiâu) 恁，致到多多 (chōe-
 chōe) 人染拉塲 (bak lâ-sâm)；

16 驚了
 有淫亂的，抑 (á) 是沈溺 (tīm-lèk)
 世情的，親像以掃，伊因為一頓食
 費大子的業。17 因為恁知伊後來愛
 承接祝福的時，有抵著 (tú-tiòh) 棄
 揀，因為伊尋無反悔的地步，雖然
 流目屎迫切求，亦繪得著。

18 今 (ta") 恁所到的咁是會摸得；
 有火焰的山、及密雲、黑暗、大風
 、19 號頭的音、言語的聲。聽見
 的人，求莫得閣及個講；20 因為所命
 令的，個當繪住 (tng-bōe-tiâu)，是
 講：「就若走獸倚著山，也著用石
 頭擲 (tīm) 死。」21 閣所看見極其通
 驚，致到摩西講：「我不止驚到愕
 愕 (ngiâuh-ngiâuh-chhoah)。」22 獨
 獨恁所到的就是郇山 (Sûn-soan)，真
 活上帝的城，天頂的耶路撒冷。23
 萬萬的天使，許個有名記佇天裡的
 大子的聚會及公會，審判眾人的上
 帝得著齊全 (chiâu-chîng) 的義人的
 靈魂，24 新約的中保耶穌，及所灑

灑 (chiù) 的血；此個血所講的比亞伯卡
 好。

25 謹慎，莫得拒絕對恁講的。因
 為，佇 (tī) 地裡來傳命令的，若拒
 絕伊，尚且 (siōng-chhiân) 繪會逃閃，
 何況咱違背對天傳命令的啊？26 當
 時伊的聲
 地振動，若是今 (ta") 有
 應允講：「猶 (iâu) 有一擺我咁若
 地搖泄，亦欲
 天搖泄。」27 所講
 猶有一擺，是指明受振動的物，就
 是受造的物欲抵著遷徙 (chhian-sóa)
 ，
 許個 (hiah ê) 無受振動的長長
 佇啲 (tī-teh)。

28 所以咱得著繪會振
 動的國，著有恩惠，通用虔誠、敬
 畏來服事，
 上帝歡喜。29 因為咱
 的上帝就是炎炎的火。

得著上帝歡喜的服務

13 1 兄弟的相疼著久長。2 莫
 得繪 (bōe) 記得接待人客；因
 為對按呢曾 (bat) 有接待著天使，亦
 咁知的。3 著數念 (siâu-liām) 諸個
 (chiah ê) 受關者，親像及個相同
 (san-tâng) 關；數念受暴虐 (pō-giok)
 者，是恁亦有身軀。4 婚姻，人人
 著尊重，床無拉塲 (lâ-sâm)；因為
 私通行淫的人，上帝欲審判伊。5
 心志咁通貪財，掠 (liáh) 所有的做
 夠額；因為上帝有講：「我決斷無
 放揀你，決斷無離開你。」6 所以
 咱通好膽講：

主就是幫助我的，我無欲驚惶；
 人欲啥法得我奈何 (ta-oâ)？

7 前引導恁、用上帝的道理傳
 恁的人，恁著數念個，看個行做的
 結局，來學個的信。8 耶穌基督昨
 日、今仔日同一樣，直到代代。9

261

恭錄人 陳雅惠

偶數頁

261

恭錄人 陳雅惠

偶數頁

261

恁莫得互插雜 (chhap-cháp) 各樣 (koh-iū) 的教所遷徙 (sóa)；因為心對恩典來堅固才是好，咁是對許個 (hiah ê) 食物 (chiah-mih)。因為用工仔 (tī) 許個物的無利益。10 咱有祭壇，服事仔會幕的無權通食伊。11 因為精牲的血互祭司頭帶入聖所來贖罪；許個精牲的身體就燒仔營外。12 所以，耶穌因為欲用家己的血互百姓成聖，亦受苦仔城門外。13 按呢，咱亦著出營外，來就近伊，受伊所受的凌辱。14 因為仔遮 (tī-chia) 咱無久長仔啲 (tī-teh) 的城，是尋彼個將來的。15 所以著對耶穌，常常用謳 (o-ló) 做祭獻互上帝，這就是承認主名的嘴唇所結的果子。16 獨獨行好及相供給 (kiong-kip)，恁咁通繪記得，因為此號的祭是上帝所歡喜的。

17 引導恁的，恁著聽趁順服個；因為個為著恁的靈魂警醒，是將來著家己排列的。恁著互個用歡喜來做，無用吐氣；因為此個無利益恁。

18 恁著替阮祈禱，阮信家已有照良心，凡事愛照正直來行。19 我益發勸恁行按呢，互我通卡緊閣就近恁。

祝福及請安

20 今 (ta) 願平安的上帝，就是曾 (bat) 仔永遠的約的血、對死人中導羊群的大牧者——咱的主耶穌閣起來，21 互恁仔逐項好事完全，來行伊的旨意；閣對耶穌基督仔咱的心內行代誌，得著歡喜仔伊的面前。願榮光歸仔伊，代代無息。阿們！

22 兄弟啊，我寫短短的批互恁，勸恁接納我勸勉的話。23 恁著知，咱的兄弟提摩太已經得著解放 (tháu-pàng)；伊若緊緊來，我欲及伊去見恁。

24 請恁請安諸個 (chiah ê) 引導恁的人及眾聖徒。有意大利的人請安恁。25 願恩典及恁眾人仔啲 (tī-teh)。阿們！

雅各書的批

請安

1 上帝及主耶穌基督的奴僕
雅各請安十二支派四散倚起

(khia-khi)者。

信心及智慧

2 我的兄弟啊，恁陷落佇 (tī) 多多 (chōe-chōe) 樣的試煉，著攏掠 (liah) 做歡喜；3 因為知恁信的經驗，會生出吞悞 (thun-lún)。4 獨獨吞悞著 5 伊到成功，5 恁完全、齊備 (chiâu-pī)，無所欠缺。5 恁中間若有人欠缺智慧，著對彼個白白 5 眾人、也無嫌人的上帝，祈求就欲 5 伊。6 獨獨著用信來求，攏無僥疑；因為僥疑的人，譬喻親像海湧 5 風拍，來起落。7 彼號人免拍算對主有通得著甚麼。8 二樣心的人，佇所行一切的路無定準 (tēng-chún)。

卑微及好額

9 卑微的兄弟著對伊的高升，來誇口；10 好額的對伊的卑微，也著按呢；因為伊欲過去，親像草的花。11 因為日出，及燒的風，5 彼個草乾，花謝，伊的嬌 (súi) 就無去；好額人，佇伊的所行也欲按呢衰退。

抵著試及試驗

12 抵著 (tú-tiòh) 試來忍受的人有福氣，因為既然經過試驗，欲得著活命的冕旒；就是主所應允 5 疼伊的人的。13 抵著試的人，莫得講：「我是 5 上帝所試」；因為上帝無 5 5 所試，伊家己也無試人。14 獨

獨逐人抵著試，攏是 5 家己私慾所迷所釣 (tiò)。15 私慾已經懷孕，就生罪惡；罪惡已經長成，就生出死無。

16 我所疼的兄弟啊，莫得錯誤。17 見若好的賞賜及完全的恩賜攏是對頂面，對眾項光的父落來；伊無變換，也無轉楚 (tng-seh) 的影。18 伊照家己的意思，曾 (bat) 用真理的道生咱，欲 5 咱佇 (tī) 伊所造者的中間做親像頭水的果子。

聽道理及行道理

19 我所疼的兄弟啊，恁知此個。若是逐人論到聽著緊，講話著慢，受氣也著慢，20 因為人的受氣無成上帝的義。21 所以，恁除去攏總腌臢 (am-cham) 及過額的惡毒，著用溫柔來接納所種佇內面的道理，就是會救恁的靈魂的。

22 恁著做行道理的，咁是干單 (kan-ta) 聽的，來家己騙。23 因為聽道理若無行的，譬喻親像人佇鏡裡詳細看伊本然的面，24 看過了，就做伊去，連鞭繪 (bōe) 記得伊生做甚麼款。25 若是人注神佇彼個齊全 (chiâu-chîng) 的律法，就是 5 人自由的，也長長住佇 (tòa tī) 彼個，咁是聽了繪記得的，是實在啲 (teh) 用工的，此號人佇伊的所做欲有福氣。

26 若有人掠 (liah) 家己做敬虔，也無約束伊的舌，就是騙伊家己的心，此號人的敬虔是空空。27 獨獨眷顧孤兒寡婦佇個的患難中，閣家己守，無 5 世俗榮 (bak) 著，這佇父上帝的面前，就是做清氣無拉塲 (

巴克禮修訂版台語漢字本

lā-sām)的敬虔。

警告偏私

2 1 我的兄弟啊，恁守咱的主耶穌基督榮光的主的信，咁通 (m̄-thang) 用外貌取人。2 若有人掛金手指，穿嬉衫 (sui-saⁿ)，入恁的會堂；也有喪鄉人穿破爛 (nōa) 的衫平平入；3 恁就看穿嬉衫的，給伊講：「你坐此個頂位」；也給喪鄉者講：「你倚 (khia) 彼位」，抑 (á) 是「坐我的腳踏椅下」。4 這豈咁是心內有增差 (cheng-choah)，用互念頭來分別嗎？

5 我所疼的兄弟，著聽啊，上帝豈咁是揀世間喪鄉的，互個佇 (tī) 信做好額，來承接伊所應允欲互疼伊的人的國嗎？6 若是恁就凌辱喪鄉人。富人 (pū-lâng) 豈咁是脅制恁，家己拖恁到審判廳？7 豈咁是誇瀆 (pòng-tók) 恁所互人叫尊貴的名嗎？

8 照聖經所記載：「著疼厝邊親像家己。」恁若守此個至好的法到盡，才是好。9 獨獨恁若用外貌取人，就犯罪，互律法定做犯法的。10 因為見若全守律法，也對一條跋倒，就是犯著眾條。11 因為講「莫得姦淫」的，也講「莫得劊 (thai) 人」；若恁無姦淫，也有劊人，是做犯得律法的人。12 恁既然欲照互人自由的律法受審判，就得照按吔講照按吔行。13 因為人無憐憫人，當審判也無得著憐憫；憐憫贏過審判來誇口。

信心及行為

14 我的兄弟啊，人講有信，也無

行，有甚麼利益？此號信會救伊嗎？15 若有兄弟抑 (á) 是姊妹，無通穿，無通食；16 恁中間有人給個講：「通安然去！願恁穿燒、食飽」；也竟然無用身軀所欠用的互個，有甚麼利益？17 按呢，信若無行就家己是死。

18 欲有人講：「你有信，我有行；你無用行著互我看你的信，我就對我的行，互你看我的信。」19 你信上帝只有一個，這是好；許個 (hiah ê) 鬼也信，來愕愕 (ngiāuh-ngiāuh-chhoah)。20 謊敵 (hong-hām) 的人啊，無有行的信就是空空，你愛知嗎？21 咱的祖亞伯拉罕獻伊的兒子以撒佇 (tī) 壇頂，豈咁是對所行來得著稱做義嗎？22 可見信及伊的行平平進行，閣信對行來得著完全。23 就應驗聖經所講：「亞伯拉罕信上帝，就給伊算做義。」伊閣得著稱做上帝的朋友。24 對按呢看，人得著稱做義是對所行，咁是干單 (kan-ta) 對信。25 娼妓喇合接納使者，互個對別條路出，豈咁是猶原 (iū-goân) 對所行來得著稱做義？26 因為親像身軀若無神就是死，信無行也是死。

論舌

3 1 我的兄弟啊，咁通 (m̄-thang) 多多 (chōe-chōe) 人做先生，因為知咱欲受卡重的審判。2 因為咱眾人佇 (tī) 多多項跋倒；佇講話無跋倒的，就是做完全的人，也會約束伊通身軀。3 咱下 (hē) 馬咬韁 (bé-kā-kiuⁿ) 佇馬的嘴，互個順趁咱，就管轄個通身軀。4 閣你看

奇數頁

，許個(chiah ê)船雖然許大隻，互大風掃伊，猶原(iū-goân)是用細細的舵(tōa)，互伊轉越(tng-oā-t)照舵公(tāi-kong)的意思所愛。⁵ 按呢，舌是細細的體，猶久(iāu-kū)講大話。

你看，小可(sī-ō-khóa)的火燒樹木，借多(jōa-chōe)啊！⁶ 舌就是火，佇(tī)咱百體中做不義的世界，拍拉塲(lā-sām)通身軀，一生的行動對伊發火，伊家己的火是對地獄發。⁷ 因為逐類的走獸、飛鳥、蟲蠅(thāng-thōa)、水族，攏受剝壓，也已經互人類剝壓；⁸ 獨獨舌無人會剝壓，是無停歇的歹物，有死的毒滿滿。⁹ 咱用伊謳咭(ō-|ó)主，就是父，啓用伊咒詛人，就是照上帝的款式來創造者。¹⁰ 謳咭及咒詛像(iāng)一個嘴出。我的兄弟啊，這是毋應該！¹¹ 水泉豈會對像一孔流出甜的苦的嗎？¹² 我的兄弟啊，無花果樹會生橄欖嗎？抑(ā)是葡萄樹會生無花果嗎？按呢對鹹的流出餌(chiá)的也繪(bōe)會。

論對頂面來的智慧
¹³ 恁中間是誰(chi-chui)有智慧見識的啊？就著用智慧的溫柔，對好的品行來顯明伊的所行。¹⁴ 恁心內若因(khng)惡毒的怨妒及相爭，就莫得誇口，莫得白賊來逆真理。¹⁵ 此號智慧毋是對頂面來的，是屬佇罪，屬佇血氣，屬鬼的款。¹⁶ 因為佇甚麼所在有怨妒及相爭，就佇遐(tī-hia)有擾亂及一切的歹事。¹⁷ 獨獨對頂面的智慧，一(tit)是清潔，猶(iāu)的是和平，溫柔好商量，有

憐憫及好的果子滿滿，無偏袒，無假好。¹⁸ 啓義的果子是在佇和平，給行和平的人來種。

及世間做朋友

4 恁中間諸個(chiah ê)爭戰對叨落(tā-|ōh)來，諸個相爭對叨落來？豈毋是對恁的宴樂，交戰佇(tī)恁百體中的來嗎？² 恁貪戀，也無所有；恁到(thāi)人，怨妒，也繪(bōe)得著。恁相爭爭戰，恁無所有，因為恁無求。³ 恁求也無得著，因為濫糝(lām-sām)求，是欲開用(khai-ēng)伊佇恁的宴樂。⁴ 恁諸個淫婦啊，豈毋知及世間做朋友是及上帝做對敵嗎？所以見若愛做世間的朋友的，就是做上帝的對敵。⁵ 抑是恁拍算聖經是空空講嗎？伊所賞賜咱的神，豈戀慕到佇怨妒嗎？⁶ 若是伊賞賜卡大的恩，所以講：

上帝抵敵驕傲者，
賞賜恩互謙卑者。

⁷ 所以，恁著順服上帝。也著抵敵魔鬼，伊就走閃恁。⁸ 親近上帝，伊就親近恁。恁犯罪者，著洗恁的手！二樣心的人，著清氣恁的心！⁹ 著憂苦、哀傷、啼哭，恁的笑著換做哀傷，恁的歡喜著換做憂悶。¹⁰ 著家己謙卑佇主的面前，伊就欲高升恁。

批評兄弟

¹¹ 兄弟啊，莫得相誹謗(chui-pōng)。誹謗兄弟，抑是批評伊的兄弟的，就是誹謗律法，批評律法。你若批評律法，就毋是行律法的，就是做批評的。¹² 立法的，批評的，只

巴克禮修訂版台語漢字本

有一個，伊會救也會滅。你是甚麼人，咱(teh)批評厝邊啊？

警戒誇口者

13 今(ta)，恁咱講：「今仔日抑是明仔日，阮欲去某個城，住仔遐(tōa ti-hia)一年久，做生理趁錢。」

14 若是明仔日的事，恁猶毋知。恁的活命是怎樣？恁是雲霧暫時出現，後來就無看見。

15 恁卡好著按呢講：「主若願，阮就會活，也欲做此項、彼項。」

16 今恁用諸個(chiah ê)品嘮(phín-phóng)的事咱(teh)誇口：凡若此號的誇口擺是歹。

17 所以知有好著行，也毋行的，就是伊的罪。

警告富人

5 今(ta)，恁富人(pū-lâng)著為著欲到佇(tī)恁的苦難，來啼哭、喉叫。

恁的錢財已經敗壞，恁的衣裳(i-chhiū)著蛀蟲(cchiū-thāng)。

3 恁的金銀生鏽(sian)；彼個鏽欲做干證來攻擊恁，也欲食恁的肉，親像火燒。

恁佇諸個(chiah ê)路尾日已已經積聚財寶。4 你看，收割恁的園者的工錢，恁所

毋互個來剝削人的，有聲的喉叫，階收割的人諸個哀怨的聲透入萬軍的主的耳孔。

5 恁佇地上曾(bat)宴樂、奢侈(cchia-chhi)，養恁的心佇殺戮(sat-liok)的日。6 彼個義人恁曾定伊的罪，來剝(thāi)死伊，伊也無抵敵恁。

吞悞及祈禱

7 兄弟啊，所以恁著常常吞悞(thun-lūn)，到佇主的降落。你看，作穡人(choh-sit lâng)聽候地上寶

貝的土產，常常吞悞的(teh)聽候伊到得著秋霖春雨。8 恁也著常常吞悞，堅固恁的心，因為主的降臨近

啦。9 兄弟啊，莫得相怨妒，免得恁受審判。你看，審判司已經倚佇(khia-ti)門口。

10 兄弟啊，許個(hiah ê)託主的名來講的先知，恁著取個做受患難吞悞的模樣。

11 許個曾吞悞的人，咱講個有福氣。恁曾聽見約伯的吞悞，睭看主到尾怎樣，就是主滿腹的慈悲及憐悞。

12 獨獨我的兄弟啊，第一要緊，莫得咒誓(chiū-chōa)；莫得指天，抑(a)是地，抑是別項物來咒誓。

恁的，是，著做是；毋是，做毋是，免得恁抵著擬(gi)罪。

13 恁中間有人受苦嗎？伊著祈禱；有人歡喜無？伊著吟詩。

14 有人破病無？伊著叫教會的長老；佇主的名用油抹伊，近倚伊來祈禱。

15 有信的祈禱欲救破病的人，主欲互伊起來；伊若有罪，欲赦免伊。

16 恁著相對認罪，相替祈禱，通得著醫好。義人的祈禱，伊的力量有大功效。

17 以利亞是及咱同情(tāng chēng)的人，伊切切求莫得落雨，就無落雨佇地裡歷過三年閣六日

日。18 伊閣祈禱，天就落雨，地就出土產。

19 我的兄弟啊，恁中間若有失迷真理的，有人互伊越轉(coat-tng)，

彼得的批前書

請安

1 耶穌基督的使徒彼得批寄互四散倚起(khīā-khī)佇(tī)本都、加拉太、加帕多拿、亞西亞、庇推尼受揀選的出外人，²就是照父上帝的代先知(tāi-seng chai)，在佇神的感化做聖，到佇順服，陪得著耶穌基督的血灑(hiū)的。願恩典、平安加添(ke-thi")多多(chōe-chōe)互恁。

活的向望

³願咱的在耶穌基督的上帝，也是伊的父得著誦唸(o-ló)！伊照伊的大憐憫，用耶穌基督對死人中復活，曾(bat)重(teng)再生咱，來得著活的向望，⁴也得著續接贈(bōe)敗壞、增壯壯(lā-sām)、增長退的業、激著恁保牙佇天裡的。⁵恁是對信互上帝的權能保護，到得著拯救、是便便佇末期欲顯明的。⁶因恁按呢，恁真快樂；雖然現今，若應該著佇百樣的試煉來暫時憂悶，⁷互恁的信的經驗，比彼個曾過火鍛煉，也猶原(iū-goân)會敗壞的金猶卡寶貝的，佇耶穌基督顯現的時，得著誦唸、榮光、尊貴。⁸恁毋曾看見伊，也疼伊；現今無看見，猶久(iāu-ku)信伊，就對彼個講贈出、滿滿有榮光的歡喜來快樂；⁹得著恁信的結局，就是神魂的得救。

¹⁰論此個救，代先講論欲到佇恁的恩許個(hiah ē)先知也有勤勤查考講究，¹¹基督的神信佇(tiam tī)個的，代先干證基督所堪著(tū-

tiōh)的艱苦，及後來諸個(chiah ē)榮光，個查考神所指明的是甚麼期，抑(ā)是甚麼款式的期。¹²個得著指示，知毋是激著家己，是激著恁諸個。來做差用佇(tī)諸個代誌，就是現今許個(hiah ē)倚靠對天所差的聖神來傳福音互恁的人，所有給恁講的；天使也致意省察諸個事。

應該過聖潔的生活

¹³所以恁的心著籍(hā)購，著節制，專心向望佇耶穌基督顯現的時所欲賞賜恁的恩典。¹⁴親像順趁的仔，無趁早前佇恁毋知影的時的私慾，¹⁵就是親像召恁的是聖。恁本身也著做聖，佇一切的行做。¹⁶因恁有記載講：「恁著做聖，因恁我是聖。」

¹⁷無用外貌取人、是照逐人的行做來審判的，恁若求叫伊做父，就著存驚畏來經過恁寄脚佇世間的時陣，¹⁸因恁知恁受贖，脫出對租公所流傳空空的行做，毋是用會敗壞的物，或是銀抑是金，¹⁹是用寶血，親像無瑕疵(hā-chhū)、無污穢的羊仔的就是基督的血。²⁰伊佇未創造世間的時是所代先知的，就佇諸個時的路尾激著恁著現(tū-hiāh)的。²¹恁對伊來信上帝，就是互伊對死人中復活的、也互伊榮光，致到恁的信及向望向佇上帝。

²²恁對順趁真理，已經清氣恁的神魂，致到疼兄弟無假，就著對心切切相疼。²³恁已經重頭生(teng-thāu-si)，毋是對會敗壞的種，是對會增敗壞的種，對上帝的道理是活是

巴克禮修訂版台語漢字本

久長佇的(tī-teh)的。因恁
 肉體攏親像草；
 伊的榮光攏親像草的花。
 草乾，花謝；
 獨獨生的話永遠佇的(tī-teh)。
 此個話就是所傳互恁福音的話。
 活石及聖潔的邦國
 2 所以，恁除去攏總的惡毒
 ，以及攏總的詭譎(khūi-
 khiat)、及假好、及怨妒，及攏總誹
 謗(hūi-pōng)的話，就著親像抵
 仔生的嬰仔欣賞神靈身的那，互恁
 對長大，到得著救。3 恁若試著知
 主是慈善，就著按呢。4 伊是活石
 ，互人棄揀，若是互上帝揀選、珍
 重。5 恁就近伊，也親像活石，起
 做神靈的厝，做聖的祭司班，來獻
 神靈的祭，對耶穌基督會互上帝歡
 喜接納的。6 因恁聖經有記載講：
 看啊！我用所揀選、
 所珍重的厝角頭要緊的石下佇(
 he-ti)耶城(Sun-sia)；
 信伊的人不致見誚。
 7 按呢，彼個寶貝是歸佇(tī)恁信
 的人，若是佇許個(hiah ê)毋信
 的人就：
 起厝的匠師傅所棄揀的石，
 起做厝角的頭塊石。
 8 又啓：做跌倒人的石，礙著人的
 石磐。個毋順趁道理，來跌倒；會
 到按呢是本定著的。
 9 獨獨恁是揀選的族，是王也是
 祭司，是聖的邦國，是上帝家己的
 百姓，互恁傳報彼個召恁出黑暗入
 伊美妙的光者的好德。
 10 恁前毋是百姓，

今(tā)是上帝的百姓；
 前無受憐憫，
 今有得著憐憫。
 做上帝的奴僕
 11 所疼的兄弟啊，恁做哥腳，出
 外的人。我勸恁著禁戒肉體的私慾
 ；就是攻擊靈魂的。12 恁佇(tī)外
 邦中，行做著端正，互個看見恁端
 正的品行，就佇個所誹謗恁做行歹
 的事，個通佇鑑察的日歸榮光上帝
 。
 13 恁處著生，著降服見若人所設
 的，或是王是上帝的，14 或是官符
 是伊所差來刑罰歹人誣咗(ō-lō)好
 人的。15 因恁上帝的旨意是按呢，
 就是恁行好，來塞寇(that-bat)驚
 人的毋知影。16 做自由的，也毋是用
 自由做惡毒的遮蓋(jia-khām)，就是
 做上帝的奴僕。17 著尊敬眾人，疼
 眾兄弟，驚畏上帝，尊敬君王。
 基督受苦的模样
 18 做奴僕的，凡事著驚惶順服主
 人；毋若佇善良溫純的，連佇乖僻
 的也著按呢。19 因恁人受冤枉，若
 是恁著天良向上帝來擔憂，這是通
 誣咗。20 因恁恁若犯罪受拍來忍受
 ，有甚麼可取？恁若行好受苦來忍
 受，這佇上帝的面前是通誣咗。21
 因恁恁受召本是欲按呢；因恁基督
 也替恁受苦，留模樣互恁，恁互恁
 隨(tē)伊的腳步。22 伊無犯罪，嘴
 內無詭譎。23 互人愚無倒罵人；受
 苦無放刁(pang-tiau)，獨獨將本身
 交託彼個照公義審判者。24 伊佇柴
 裡，親身擔當咱的罪佇伊的身軀，
 互咱向罪彼面死的人會向義此面來

奇數頁

恭錄人 馬首人

活。對伊的傷痕，您得著醫好。²⁵
因為您前親像羊迷路，若是今歸佇
您靈魂的牧者，也是監督。

婦仁人及丈夫

1 您做婦仁人的，也著按呢
順服家己的丈夫；設使有的
無趁道理，雖然無用講話，也通用
婦仁人的所行得著個來趁；² 因為
看見您清潔驚畏的所行。³ 您的妝
飾 (chng-thā) 毋通 (m-thang) 用外面
的髹 (pi") 頭毛，及掛金器，抑 (ā)
是穿衣服做妝飾，⁴ 就是用心內隱
密的人，穿溫柔、恬靜的心神做繪
(bōe) 敗壞的衣服；這佇 (tī) 上帝
面前是真寶貝。⁵ 因為在早聖的婦
仁人就是仰望上帝的也是按呢家己
妝飾，順服家己的丈夫，⁶ 親像撒
拉順趁亞伯拉罕，稱伊做主。您若
行好，無搭嚇 (tah-hiah) 來驚惶，
就做伊的查某子。

7 您做丈夫的，也著按呢照智識
及婦仁人相及惦 (sa'-kap tiām)，尊
敬伊是卡軟蕊 (nng-chiā) 的器具，
也是相及承接活命的恩。⁸ 您的祈
禱無抵 (tū) 著阻擋。

為義受苦

8 到底大家著同心，相體貼，相
疼親像兄弟，憐悵謙卑。⁹ 無用互
報互，抑是詈罵 (lōe-mé) 報詈罵。
反轉著祝福；因為您受召，是欲互
您承接祝福。¹⁰ 因為：

人若愛欲惜活命，
啗見著福氣的日，
就著禁止嘴言無互，
嘴唇無講詭譎 (khū-khiat)；
¹¹ 著離開互來行好，

尋和平，來追趁 (jip) 伊。
¹² 因為，主的眼睇看義人，
伊的耳孔聽個的祈禱。

若是主的面鑑察行互的人。

¹³ 您若為著好來熱心，是誰 (chi-
chūi) 會害您？¹⁴ 總是您若因為義來
受苦，就有福氣。真得驚個的威風
，也莫得遁腹 (peh-pak)；¹⁵ 獨獨您
心內著採 (liah) 基督做主尊伊做聖。

見若有人問您所向望的因由，就著
不時便便，用溫柔及驚畏來分訴；
¹⁶ 著存無通責備的良心，才您佇叨
落 (tā-loh) 一項事受誹謗 (hūi-pōng)，
就佇 (tī) 彼項事會互許個 (chiah ē)
誣賴您倍 (tiām) 佇基督的好品行的

，家己受見誚。¹⁷ 因為上帝的旨意
若愛按呢，就您行好來受苦，比行
互來受苦卡好。¹⁸ 因為基督也一擺
為著罪受苦，義的替不義的，是欲
尊咱到佇上帝。論肉體，就受死；

論神，就得活。¹⁹ 佇彼個神也曾 (bat)
去傳道理互監內許個神，²⁰ 就
是早毋信趁的，當上帝吞喫 (thun-
lūn) 聽候佇挪亞的日，啗 (teh) 備辦
大船的時。入彼內面的人少少 (chiō-
chiō)，只有八個對水得救。²¹ 此個

所關照 (kōan-chiō) 的洗禮，今 (ta")
也救您；毋是除去肉體的垃圾 (lā-
sām)，就是無通責備的良心向上帝
來求，是對耶穌基督的復活。²² 伊
已經去天裡，今佇上帝大旁；諸個

(chiah ē) 天使及有權柄的，有氣力
的，降服伊。
做上帝恩典的管家

4 今 (tā) 基督既然佇 (tī) 肉
體受苦，就您也著用此號心

巴克禮修訂版台語漢字本

志做戰器，因為已經停肉體受苦的，有及罪息(soah) 2 致到恁此霎(cchit-tiap)以後，停(tii)肉體猶(iāu)活的時日無趁人的私慾，是趁上帝的旨意。3 因為以前的日恁趁外邦人的意愛，行停邪淫、私慾、酒醉、放縱、宴樂，及諸個(chiah ē)逆法拜偶像的事，時已經夠顯啦。4 今(ta)恁毋及個走到停平平放蕩的極頭，個就為著按呢奇怪，來誹謗(chái-pōng) 5 個欲對彼個便便欲審判活人死人的主來象已非列。6 因為，福音也曾(cbat)傳互死人，是欲互個停肉體照人受審判，停神照上帝會活。

7 若是萬事的結局近啦。所以，著自在，節制來祈禱。8 第一要緊，大家著切切相疼，因為疼是遮蓋(jra-khām)多多(chōe-chōe)罪過。9 大家相接待，莫得耦耦(ngauh-ngauh)念。10 逐人照所受的恩賜相服事，做上帝百般恩典的管家。11 若有宣講的，著親像宣講上帝的詔命；有相服事的，著親像用上帝所賞賜的力，互上帝對耶穌基督停萬事會得著榮光。伊有榮光、有權能，到代代無息。阿們！

為著做基督徒受苦
12 所疼的兄弟啊，停恁中間所有親像火的試煉，咁通(m-thang)奇怪伊(那親像抵著(tū-tiōh)非常的事)；13 獨獨著因為有份停基督的艱苦，來歡喜；互恁也停伊榮光顯現的時，歡喜快樂。14 恁為著基督的名互人罵，有福氣；因為榮光的神就是上帝的神安息停恁。15 因為恁

中間咁通有人為著做兇手、做賊、行歹，抑(ia)是因為插(chhap)別人的事來受苦。16 總是人若為著是基督徒來受苦，就莫得見誦，著停(c-tii)此個名歸榮光上帝。17 因為時到啦，審判對上帝的象代先。若是對咱起頭，就許個(chiah ē)咁信趁上帝福音的人，個的結局欲怎樣啊？18 義的人若僅僅(cim-lim)得救，就無敬虔的及有罪的人欲倚停(ckhia-ti)甚麼所在啊？19 所以，照上帝的旨意受苦的著用好品行，將個的靈魂交代信實造化的主。

照顧上帝的羊群

5 所以恁中間的長老我苦勸個，我也同做長老，也做基督受苦的干證，也相及(sa-kap)有份的欲(teh-beh)顯現的榮光；2 恁著照顧停(tii)恁中間上帝的羊群，來監督伊；咁是對勉強，是甘心照上帝；咁是為著咁合宜的錢，是對歡喜的意思；3 也咁是停所交代恁的做主，是做羊群的模樣。4 就大牧者顯現的時，恁欲得著繪(bōe)表退榮光的暈流。

5 按呢恁少年人，著降服長老。恁大家也攏著用謙遜做衫穿，來相服事；因為

上帝抵敵驕傲者，施恩互謙卑者。

6 所以，著象已謙卑，停上帝大氣力的手下(ē)，互伊到時高升恁。

7 恁用凡所掛慮的交付伊，因為伊關心停恁。

8 著節制，著驚醒。恁的對敵就

恭錄人 周中惠

奇數頁

(teh) 尋所連吞食者。 9 恁對信堅固
 著抵當 (tī-tng) 伊，知恁眾兄弟佇世
 間也經過此樣的苦難。 10 醫萬項恩
 典的上帝就是曾佇 (tī) 基督召恁，
 得著伊永遠的榮光的，佇恁暫時受
 苦的了後，家己欲互恁齊全 (chî-ân-
 chng)、堅固、勇健。 11 權能歸伊，
 到代化。阿們！

請序

12 我看西拉做盡忠的兄弟，對伊
 寫短短的批互恁，來苦勸恁，也干
 證此個是上帝真的恩。恁著倚在
 (khîa-chāi) 佇此個。 13 作佇 (tiàm tī)
 巴比倫相反 (saⁿ-kap) 受揀選的，以
 及我的子馬可請序恁。 14 恁著用仁
 愛的相愛 (saⁿ-chim) 來相請序。願恁
 信佇基督的人攏得平安！

巴克禮修訂版台語漢字本

彼得自比後書

請序

1 耶穌基督的奴僕，也是伊的使徒西門彼得，批寄互許個 (hia̍h ê) 及阮相及 (sa̍-kap) 得著同一樣寶貝的信，仔 (tī) 咱的上帝及救主耶穌基督的義的。2 願恩典、平安，對恁深知上帝及咱的主耶穌，加添 (ke-tiān) 多多 (chōe-chōe) 互恁。

信徒受召及受揀

3 因為上帝的全能已經用一切關係活命及敬虔的事賞賜咱，對仔深知彼個用家己的榮光及好德召咱者。4 對諸個 (chia̍h ê) 已經有寶貝及極大的應允賞賜咱，欲互恁對諸個應允脫離世間對私慾所致的敗壞，得者有份仔上帝的性情。5 啟著接呢，恁著盡力殷勤；仔恁的信，加添好德；仔好德，加添智識；6 仔智識，加添操節 (chun-chat)；仔操節，加添吞悞 (tshun-lun)；仔吞悞，加添敬虔；7 仔敬虔，加添疼兄弟；仔疼兄弟，加添疼眾人。8 因為恁若有諸個到充滿，就欲互恁仔深知咱的主耶穌基督不致貪憚 (pin-tān) 無結實。9 因為無諸個的人，就睛眼，只有看近近，已經增 (bāe) 記得伊前的罪有洗清。10 兄弟阿，所以著閣大殷勤，來堅固恁的受召、受揀。因為恁行諸個，就永遠增跛倒；11 是對接呢，欲大大賞賜恁入咱的救主——耶穌基督永遠仔咱的 (tī-teh) 的國。

12 所以恁雖然已經知諸個事，閣

堅固仔 (tī) 所有的真理，我欲常常互恁記得。13 我猶估仔 (iāu-tiām-tī) 此個布棚的時，點醒恁互恁會記得，我怕算是應該；14 家己知拆我的布棚的時近啦，照咱的主耶穌基督所指示我的。15 我也欲殷勤，互恁仔我過世的了後，不時會記得諸個 (chia̍h ê) 事。

基督的榮光及先知的預言

16 因為阮平素互恁知咱的主耶穌基督的權能及伊的降臨，毋是用奇巧無影跡話，就是親自看見伊的大威嚴。17 因為伊對父上帝得著尊貴榮光，彼時對極大的榮光有此號聲，到仔伊講：「此個是我疼的子，我所歡喜的。」18 此個聲對天出，阮及伊仔聖山的時聽見。19 閣咱有先知的話會閣卡堅固，恁致恁諸個是好，親像燈照仔黑暗，到仔天光，啟明星出現仔恁的心的時。20 第一，著先知 (seng-chai)，見著聖經中先知 (sian-tī) 的話無通趁和奇 (su-khia) 的意思來開拆；21 因為未有先知的話對人的意思出，就是對上帝來的人，互聖神感動來講。

假先知及假先生

2 若是仔 (tī) 百姓的中間曾 (bat) 有假的先知，接呢仔恁的中間也咱 (teh) 欲有假的先生，暗靜 (ām-chiān) 引進許個 (hia̍h ê) 害人到沈淪的異端入來，就贖回個的主宰個也毋認，家己取緊緊到的沈淪。2 欲有多多 (chōe-chōe) 人趁個的邪淫，真理的路欲啟著個來受誹謗 (hūi-pōng)。3 個對貪心，欲造作話來撓 (lut) 恁。對早以來個的審判無

恭錄人 馬韻媛

延延 (Tân-chhiân), 個的沈淪無歇眠
 4 因為上帝既然無惜犯罪的天使,
 是坎 (hia-t) 個佇 (ti) 暗府, 交個
 佇黑暗的坑, 收禁的 (teh) 聽候審判
 。 5 閣無惜古早的世界, 互大水到
 佇許個 (hia-h ê) 無敬虔的人的世界
 , 獨獨保護宣傳義理的挪亞彼八人
 。 6 閣互所多瑪、蛾摩拉許個城,
 做火灰 (he-hu), 揆定 (gi-tia) 個滅無
 , 下咱的 (he-teh) 做後世代無敬虔的
 人的鑑戒; 7 獨獨拯救義人難得,
 就是常常處著誣理 (bū-ji) 的人邪淫
 的所行來深深憂悶的。 (8 因為此
 個義人倚 (khiā) 起佇個中間, 也看
 見也聽見日日因為個不法的所做,
 來苦楚伊義的心。) 9 先知通拯救
 敬虔的人脫離誘惑, 也知通收禁不
 義的人到審判的日, 受刑罰。 10 閣
 卡要緊是許個趁肉體行佇污穢的私
 慾, 也藐視見知事者。
 個大膽自恃 (chū-si), 就褻瀆 (stak-
 tok) 尊貴的, 也無驚。 11 雖然天使
 氣力權能卡大, 猶久 (tau-ku) 未曾
 佇生的面前用譴瀆 (pong-tok) 的話
 責罪個。 12 獨獨諸個 (chia-h ê) 人親
 像無靈性的活物, 生成 (seng-sêng)
 著互人掠 (liah) 來敗壞的, 褻瀆個所
 毋知的, 欲佇個的敗壞來受敗壞。
 13 抵著 (tū-tioh) 艱苦, 做不義的工
 錢。個揀日時的尊榮做歡喜, 是坵
 塲 (lā-sām), 是瑕疵 (hā-chhū), 及恁
 同筵席, 尊榮佇個的和愛席 (hō-ai-
 sek)。 14 個的目睛攏是淫色, 犯罪
 無息, 迷惑心無堅固的人, 個的心
 慣勢貪財, 合該受咒詛。 15 離開正

路, 來失迷, 趁比耳的子巴蘭的路
 。伊是憶 (ti) 著不義的工錢, 16 若
 是處著家己的犯法來抵 (tū) 著責備
 ; 增 (boe) 講話的馬廬講人的話來阻止
 先知的濫糝 (lām-sām)。
 17 個是無水的泉, 狂風所掃的雲
 霧, 有黑黑暗暗留的 (teh) 聽候個。
 18 因為個講空虛誇口的話, 佇 (ti)
 肉體的私慾用邪淫來誘惑許個 (
 hia-h ê) 抵抵脫離行差謬 (chha-biū)
 的人的手的。 19 應允個自由, 也家
 己做敗壞的奴才, 因為人互甚麼卡
 贖就做彼項的奴才。 20 因為個已經
 對深知救主——耶穌基督, 來得著
 脫離世間許個污穢, 若閣再互許個
 污穢所纏所壓制, 就彼號人路尾的
 事比代先卡傷重。 21 因為既然知義
 的路, 也竟然悖謬所傳互個聖的命
 令, 毋值著個攏毋知閣卡好。 22 彼
 號人的景况是合佇真的俗語所講:
 狗倒轉食伊所吐的;
 豬已經洗閣淨 (nò-a) 佇土糜 (thō-bê)
 的中央。
 主閣來的應允
 3 所疼的兄弟啊, 我現在所
 寫互恁的是第二張的批。佇
 (ti) 此二張是欲互恁紀念, 來黑醒
 恁純全的心, 2 互恁記得聖的先知
 讖語 (chham-gú) 的話以及救主對恁
 的使徒所命令的。 3 第一, 著知的
 , 佇許個 (hia-h ê) 路尾的時日欲有
 戲謔 (hi-hiok) 的人出來, 照家己的
 私慾來行的戲謔講: 4 「伊應允閣
 來今 (ta) 佇叨落 (tā-loh)? 因為對列
 祖睏去以來, 萬項物對起頭創造照
 舊無各樣 (koh-iū)。」 5 因為個許

巴克禮修訂版台語漢字本

偶數頁

巴克禮修訂版台語漢字本

個人故意會記得的，就是對早，有諸個(chiah ê)天，閣有地對水出，對水來成，攏是對上帝的道。6對諸個天地當彼時的世間互水氾濫(hoan-lam)來滅無。7獨獨現今諸個天及地是對此個道罔的(khng-teh)，來聽候火，留的到無敬虔的人受審判及滅無的日。

8所疼的兄弟啊，有一項恁毋通(m-thang)會(bōe)記得，就是主看一日親像一千年，一千年親像一日。

9主無延延(tān-chhiān)佇(tī)所應允，親像人有的看做延延的，就是寬容恁，毋愛有人沈淪，是愛人攏反悔。10若是主的日欲到親像賊。

彼日，許個(chiah ê)天欲有大聲廢去，許個原質受燒來消滅，地及其中所有的物也燒燻去(sio-lo-ki)。

11萬物既然欲毋呢消滅，就恁佇聖及敬虔，著做甚麼號的人，12來向望續催迫上帝的日到。恁著毋呢，諸個天會互火消滅，原質受燒就銘(iū)去。13若是照伊所應允，咱向望新的天新的地，義信佇(tiam)切個中間。

14所以，所疼的兄弟啊，恁既然向望諸個，著殷勤互恁無土土參(lā-sām)，無玷疵(hā-chhiū)，毋然見著伊；15毋著看咱的生的寬容做拯救的因由，親像阮所疼的兄弟保羅，照所賞賜伊的智慧也曾寫批互恁。

16佇伊攏總的批的(teh)論諸個事也是毋呢講。其中有價得(oh-tit)明的，毋知影、無堅固的人解(kóe)互伊斜(chhoah)去，親像解斜其餘的聖經，致到家己沈淪。17所疼的兄弟

啊，毋呢恁既然代先知(tāi-seng chhi)著持防免致互誣理(bū-lī)的人差謬(chha-bū)所引誘，來失落家己的堅固。18獨獨著進步佇(tī)咱的救生——耶穌基督的恩典以及識(bat)伊。願榮光歸伊，對現今到永遠的日。阿們！

恭錄人 馮啟煇

約翰的批

第一書

活命的道

1 論到活命的道對起頭所有，阮所聽見、親目所看見，所觀看，也阮的手摸著的。(2. 此個活命曾(bat)出現，阮有看見，來做干証，也報恁知彼個永活的活命，就是本及父佇的(tī-teh)，也出現佇(tī)阮的。)3 阮將所看見所聽見報恁知，欲互恁及阮交陪。閣阮所交陪就是及父以及伊的子耶穌基督。4 阮寫諸個(chiah ê)，是欲互阮的歡喜充滿。

上帝就是光

5 阮對伊所聽的話、來傳互恁的，就是講，上帝是光，佇伊全然無暗。6 咱若講有咱的及伊交陪，也行佇黑暗，就是講白賊，無行真實。7 獨獨咱若行佇光明，親像伊佇佇(tiam tī)光明，就咱相及(sā-kap)交陪，也伊的子耶穌的血洗除咱攏總的罪。8 咱若講無罪，就是騙家己，真理也無佇佇咱。9 咱若認咱的罪，伊是真實公義，欲赦免咱的罪，洗除咱攏總的不義。10 咱若講未曾犯罪，便是互伊做講白賊的，伊的道理無佇佇咱。

咱的保惠師耶穌

2 我的細子啊，我寫諸個(chiah ê)互恁，是欲互恁無犯罪。若有人犯罪，就佇(tī)父的面前咱有保惠師，就是義人耶穌基督。2 伊為着咱的罪做挽回的祭，閣咱若為着咱的罪，也是為着通世間

。3 咱若守伊的命令，對按呢就知咱識伊。4 人若講「我識(bat)伊」，也無守伊的命令，是白賊的人，真理也無佇佇(tiam tī)伊。5 見若守伊的道理的，就上帝的疼佇伊真正有齊全(chiàu-chng)。對按呢，咱知咱佇佇伊。6 人若家己講佇佇伊，就著照伊所行的去行。

新的命令

7 所疼的兄弟啊，我無寫新的命令互恁，就是恁對起頭所有舊的命令；彼個舊的命令就是恁所曾(bat)聽見的道理。8 又閣，我寫新的命令互恁，此個代誌佇伊是真，佇(tī)恁也是真；因為黑暗咱(teh)過，真光已經咱照。9 人若講家己佇佇光明，也怨恨伊的兄弟，就伊到今(tā)是佇佇黑暗。10 人若疼伊的兄弟，伊是倚起(khā-khī)佇光，也佇伊無跋倒的因由。11 獨獨人若怨恨伊的兄弟，伊是佇佇暗，閣行佇暗，也毋知所去的，因為此個暗互伊的目睷睛暝。

12 細子啊，我寫批互恁，因為恁的罪為着伊的名已經赦免。

13 老大啊，我寫互恁，因為恁識彼個對起頭就有的。

少年人啊，我寫互恁，因為恁已經贏彼個歹者。

細子啊，我曾寫互恁，因為恁識父。

14 老大啊，我曾寫互恁，因為恁識彼個對起頭就有的。

少年人啊，我曾寫互恁；因為恁勇健，

也上帝的道理信佇恁：

也恁已經卡贏彼個歹者。

¹⁵ 莫得疼此間以及世間的物。

人若疼此世間，就父的疼無信佇 (

tiam tī) 伊。¹⁶ 因為，見若佇 (tī)

世間的，肉體的私慾，及目矚的私

慾，及人生的驕傲，毋是對父，是

對世間。¹⁷ 閣世間及伊的私慾啲 (

teh) 過去，獨獨行上帝的旨意的，

永遠佇啲 (tī-teh)。

對敵基督者

¹⁸ 細子啊，這是路尾的時。親像

恁曾 (bat) 聽見，有彼個對敵基督的

來；現今有出多多 (chōe chōe) 對敵

基督的，對按呢咱知是路尾的時。

¹⁹ 個對咱出去，獨獨毋是屬咱的；

因為若是屬咱的，就會長長及咱信

；個出去，是欲顯明個攏毋是屬咱

的。²⁰ 閣恁對聖者受抹油，續知一

切的代誌。²¹ 我批寫互恁，是毋是

因為恁毋識 (m-bat) 真理。因為恁

識伊，也因為一切的白賊攏毋是對

真理。²² 白賊的是是誰 (chī-chūi)？

豈毋是無認耶穌做基督的嗎？無認

父及子的，此個就是彼個對敵基督

的。²³ 見若無認子的，也無有父；

認子的，也有父。²⁴ 恁對起頭所聽

見的，著互伊長長信佇恁。若是對

起頭所聽的信佇恁，就恁也欲信佇

子及父。²⁵ 此個也是伊所應允咱的

應允，就是永活。

²⁶ 我寫諸個 (chiah ê) 互恁，是論

許個 (kiah ê) 迷惑恁的。²⁷ 恁對伊

所受的抹油長長信佇恁，也毋免人

教恁，獨獨因為伊的抹油教示恁萬

項事。也是真實，毋是白賊；也照

伊曾教示恁的，恁長長信佇伊。

上帝的子兒

²⁸ 今 (tān)，細子啊，恁著長長信

佇伊。按呢，伊若顯現，才互咱信

伊閣臨到的時會好膽：也佇伊的面

前無見誚。²⁹ 恁若知伊是公義，就

知見若行義的人也是伊生的。

3

¹ 恁想看父疼咱到怎樣，互

咱稱做上帝的子；咱也實在

是。所以世間人毋識 (m-bat) 咱，因

為毋識伊。² 所疼的兄弟啊，現今

咱做上帝的子，將來怎樣，猶未 (

iaū-bē) 顯明；咱知伊若顯明，咱就

親像伊，因為咱欲看見伊照伊實在

的款。³ 見若靠伊才有此號向望的

，本身清氣，親像伊是清氣。

⁴ 見若犯罪的，也行不法；罪就

是不法。⁵ 恁也知伊曾 (bat) 顯現，

是欲除去罪，也在佇 (tī) 伊無罪。

⁶ 見那住 (tōa) 佇伊的，無犯罪；見

若犯罪的，未曾看見伊，也毋識伊

。⁷ 細子啊，毋通互人迷惑恁。行

義的就是義，親像伊是義。⁸ 犯罪

的是對魔鬼出，因為魔鬼對起頭犯

罪。上帝的子所以顯現，是欲毀壞

魔鬼的所做。⁹ 見若對上帝生的，

就無犯罪，因為伊的種長長信 (tī

ām) 佇伊；伊也懺 (bōe) 犯罪，因為

伊是對上帝生的。¹⁰ 上帝的子兒及

魔鬼的子兒對按呢顯明。見若無行

義及無疼兄弟的，毋是對上帝出。

彼此相疼

¹¹ 因為恁對起頭所聽的話，就是

咱著相疼。¹² 無親像該隱；是對彼

個歹者出，來剗 (thāi) 伊的小弟。

甚麼緣故剗伊？因為伊所作是歹，

伊的小弟所做是義。¹³ 兄弟啊，世間人若怨恨恁，咁通掠(liah)做奇怪。¹⁴ 咱因為疼兄弟，就知咱已經出死入活。無疼的，是依佇(tiam tī)死。¹⁵ 見若怨恨伊的兄弟的，就是剗(thài)人的人；恁也知見若剗人的，伊的內面無永活。¹⁶ 伊替咱獻伊的生命，咱對此個(bat)仁愛；咱也應該替兄弟獻生命。¹⁷ 人若有世間的財產，看見伊的兄弟欠缺，也無開伊的慈心，上帝的疼豈可(thāi-tho)有依佇伊啊？¹⁸ 細子啊，咱的相疼，咁通(m-thang)用話用舌，是著用行用誠實。
佇上帝的面前安穩

¹⁹ 對按呢咱欲知咱是出佇(tī)真實，見若心有所責備咱，欲安慰咱的心佇伊的面前。²⁰ 因為上帝比咱的心卡大，也無所毋知。²¹ 所疼的兄弟啊，心若無責備咱，就咱向上帝有好膽。²² 閣見若咱所求的，就對伊得著；因為咱守伊的命令，佇伊的面前行伊所歡喜的代誌。²³ 也伊的命令是按呢就是咱信伊的子耶穌基督的名，閣大家相疼照伊所互咱的命令。²⁴ 守伊的命令的人，就依佇伊，伊也依佇伊。咱對按呢知伊依佇咱是對伊所互咱的神。

上帝的神及對敵基督的神

4 ¹ 所疼的兄弟，諸個(chiah è)神，咁通擺總信，獨獨著試驗諸個神是對上帝抑(ā)毋是，因為有多多(chōe-chōe)假先知出來入世間。² 恁對此個識(bat)上帝的神；見若神有認耶穌基督已經佇(tī)肉體臨到的，就是對上帝來。³

見若神毋認耶穌的，咁是對上帝來，這也是對敵基督者的神。恁有聽見伊來，現在伊也已經佇世間啦。

⁴ 細子啊，恁是對上帝來，閣已經卡贏個；因為依佇(tiam tī)恁的，卡大依佇世間的。⁵ 個是對世間來，所以個講話也對世間，世間也聽個。⁶ 咱是對上帝來，識(bat)上帝的聽咱；咁是對上帝來的，無聽咱。真實的神及差謬(chha-biū)的神，咱對按呢識伊。

上帝就是疼

⁷ 所疼的兄弟啊，咱著相疼，因為疼是對上帝來。見若疼的是對上帝生，閣識上帝。⁸ 無疼的，咁識上帝，因為上帝是疼。⁹ 上帝差伊獨生的子入世間，互咱對伊來活，上帝的疼對此個頭明佇(tī)咱。¹⁰ 咁是咱曾(bat)疼上帝，是伊曾疼咱，差伊的子為著咱的罪做挽回的祭，疼就是在佇此個的。¹¹ 所疼的兄弟啊，上帝若疼咱到按呢，就咱也著相疼。¹² 從來未有人看見上帝，咱若相疼，就上帝依佇咱，也伊的疼完全佇咱。

¹³ 伊已經用伊的神賞賜咱，咱對按呢知咱依佇伊，也伊依佇咱。¹⁴ 父差伊的子做世間的救主；阮曾看見也做干證。¹⁵ 見若認耶穌做上帝的子的，就上帝依佇伊，伊也依佇上帝。¹⁶ 上帝所有疼咱的，咱也知也信。

上帝就是疼；閣人依佇疼，就是依佇上帝，上帝也依佇伊。¹⁷ 對按呢，疼成做完全佇咱，互咱佇審判的日會好膽。因為伊甚麼款，咱佇

世間也按呢。¹⁸佇疼的內面無驚惶；獨獨齊全(chiâ-u-chhng)的疼，趕出驚惶。因為驚惶就有刑罰，見若驚惶的佇(tī)疼未有齊全。¹⁹咱有疼，因為伊代先疼咱。²⁰若有人講「我疼上帝」，也怨恨伊的兄弟，就是白賊的；因為無疼所有看見的兄弟的，就繪(bōe)疼所未看見的上帝。²¹疼上帝的，也著疼伊的兄弟，這是咱對伊所受的命令。

卡贏世間的就是信心

5 ¹見若信耶穌做基督的，這是對上帝生的，閣見若疼生伊的，也疼對伊所生的。²咱若疼上帝，閣守伊的命令，就咱對按呢知咱疼上帝的子兒。³因為咱守上帝的命令，這就是疼上帝，閣伊的命令毋是重擔。⁴因為見若對上帝生的，卡贏世間；也彼個所以曾(bat)卡贏世間的，就是咱的信。⁵卡贏世間的是是誰(chi-chūi)啊？豈毋是信耶穌做上帝的子的嗎？

上帝為伊的子做干證

⁶此個耶穌基督，是對水對血來的；毋若佇(tī)水，是佇水也佇血，⁷閣神是做干證的，因為神就是真理。⁸因為做干證的有三個：神，及水，及血，也此三個所干證的歸佇一(it)。⁹人的干證咱若承受伊，上帝的干證是卡大，因為上帝的干證是此個，就是論伊的子伊有做干證。¹⁰信上帝的子的人，佇本身有此個干證；毋信上帝的人，便是互伊做白賊的，因為伊未有信上帝論伊的子所做的干證。¹¹閣彼個干證是此個，就是上帝已經將永活

互咱；也此個活是在佇伊的子。¹²有伊的子的就有活，無有上帝的子的就無有活。

知影家己有永活

¹³我寫諸個(chiah ê)互恁上帝子的名者，欲互恁知恁有永活。¹⁴閣咱若照伊的旨意有所求，伊就聽咱，這是咱佇(tī)伊面前所有的好膽。¹⁵若知見有所求伊聽咱，就知所對伊求的，咱有得著。

¹⁶人若看見伊的兄弟犯無致到死的罪，伊欲求，就欲用活命互伊，就是互諸個犯罪無致到死的；有致到死的罪，我講著祈禱，毋是指此個。¹⁷見若不義擺是罪，也有罪無致到死的。

¹⁸咱知見若對上帝生的無犯罪，是對上帝生的保守伊，也彼個互者無摸著伊。¹⁹咱知咱是對上帝來，也通世間住佇彼個互者。²⁰閣知，上帝的子已經到，有互咱曉悟，到識(bat)彼個真的，咱也估(tiām)佇真的，就是佇伊的子耶穌基督。此個是真的上帝，也是永活。²¹細子啊，著家己顧，離開偶像！

約翰的批

第二書

請安

¹ 做長老的批寄互受揀選尊貴的婦仁人及伊的子兒；是我佇(tī)真理所疼的；閣呒若我，見若識(bat)真理的亦擺是按呢。² 疼恁是為著真理，此個真理就是倂佇(tiam tī)咱的，也欲永遠及咱佇的(tī teh)。

³ 恩典、憐憫、平安對父上帝，也對父的子耶穌基督佇真理及疼痛欲及咱佇的！

真理及疼

⁴ 我真歡喜，因為抵著(tú-tiōh)你的子兒有佇真理來行的，照咱對父領受的命令。⁵ 尊貴的婦仁人啊，今(tā)我求你，呒是親像寫新的命令互你，是咱對起頭所有的，就是大家著相疼。⁶ 咱照伊的命令來行，這就是疼。恁趁伊來行照恁對起頭所聽見的，這就是彼個命令。

⁷ 因為有多多(choe-choe)迷惑人的出來入世間，就是呒認耶穌基督佇肉體來的；此個就是彼個迷惑人的，也是對敵基督的。⁸ 恁著謹慎家己，免得恁失落咱所著磨的，通得著滿足的報賞。⁹ 見若進前也無倂佇基督的教示的，無有上帝；倂佇彼個教示的，就有父及子。¹⁰ 若有人到恁遐(hia)，也無傳此個教示，就呒通接納伊入厝，也呒通給伊請安；¹¹ 因為給伊請安的，有份佇伊的多所行。

請安

¹² 我有多多項欲寫互恁，呒愛用

紙及墨(bak)，是向望到恁遐，當面相及(sa-kap)講，互恁的歡喜充滿。¹³ 你受揀的姊妹的子兒擺給你請安。

巴克禮修訂版台語漢字本

約翰的批

第三書

請安

1 做長老的批寄互所疼的該猶，
 就是我佇(tī)真理所疼的。2 所疼
 的兄弟啊，我願你萬事會亨通，勇
 健，親像你的靈魂亨通一樣。3 因
 為有兄弟來干證你所存的真理，親
 像你佇真理(teh)行，我就真歡喜
 。4 我聽見我的子兒佇真理的
 行，我的歡喜無卡大佇此個。

合作及反對

5 所疼的兄弟啊，見若你所款待
 出外的兄弟的是忠信的所行。6 個
 曾(bat)佇教會的面前干證你的疼痛
 ；你若合佇上帝給個送行(song-
 heng)，就是做好事。7 因為個為著
 伊的名出外，無對外邦人提什麼物
 。8 所以彼號人咱應該至接(chih-
 chiap)個，互咱為著真理做同著麼
 的。9 我已經有寫淡薄互教會，獨
 獨因中間愛做頭的丟特腓無接納阮
 。10 所以我若來，欲記得伊所行的
 事，就是伊用歹話濫糝(lām-sām)講
 阮。閱無掠(lian)此個做够額，本
 身毋接納兄弟，有人愛接納，伊就
 阻擋，續革個出教會。

11 所疼的兄弟啊，毋通學歹，著
 學好。行好的是對上帝出；行歹的
 未曾看見上帝。12 低米丟互眾人所
 干證，真理也家己做伊的干證，阮
 也做干證。你知阮的干證是真。

請安

13 我有多多(chōe chōe)項愛寫互
 你，若是毋爰用筆墨(bak)寫互你，

14 是向望緊緊見你，咱才欲當面講
 。願你平安。諸個(chian ê)朋友給
 你請安。請你隨(sûi)一名給許個(
 hian ê)朋友請安。

奇數頁

猶大的批

1 耶穌基督的奴僕，雅各的兄弟猶大，批寄互受召的、佇(tī)父上帝得著疼、為著耶穌基督來保守者。2 願憐憫、平安、疼痛、加添(ke-thiⁿ)多多(chōe-chōe)互恁。

假教師的刑罰

3 所疼的兄弟啊，我本真致意欲寫批互恁，議論咱担及(saⁿ-kap)有份的拯救，當彼時就不(put)得不著寫批苦勸恁，為著做一下交代佇聖徒的道理來出力交戰。4 因為有幾若人暗靜(ám-chiⁿ)入來，就是早代先定著欲受此個審判的，個是不虔的人，將咱的上帝的恩反轉做放縱的因由，也毋認獨一的主宰——咱的主耶穌基督。

5 恁是已經識(bat)萬事的人，今(taⁿ)我愛互恁會記得，就是主已經救百姓出埃及地，後來滅無許個(hiah ê)毋信的。6 閣有天使無守個的本職、離開家己倚起(khiā-khi)的所在，主用永遠的鎖鍊禁收個佇黑暗的下面，到佇大日期的審判。7 親像所多瑪、蛾摩拉以及四圍的城，也同(tāng)個的款來行淫亂，趁逆性的色慾，就受永遠的火的刑罰，下啲(hē-teh)做鑑戒。

8 若是諸個(chiah ê)人也親像按呢，佇個的眠夢拍拉塲(lā-sām)肉體，也藐視辦政事的，褻瀆(siat-tòk)尊貴的。9 至大的天使米迦勒及魔鬼相爭的時，為著摩西的身屍辯論，尚且(siong-chhián)毋敢用謗瀆(pòng-tòk)的話責罪伊，只有講

：「願主責備你！」10 獨獨諸個(chiah ê)人褻瀆見若個所毋知的。閣個本性所會曉得的親像無靈性的活物，佇(tī)諸個家己敗壞。11 個有災禍啲！因為個有行該隱的路，為著財利走越(cháu-chōng)佇巴蘭的錯誤，受滅無佇可拉的達逆。12 個佇恁的和愛席(hó-ai-sék)是做暗的石礁(ta)，及恁像(siang)桌。個養飼家己，攏無驚畏；個是無雨的雲，互風吹過去；是秋天無果子的樹，死了閣死，根頭攏拔起來；13 是海的狂湧，吐出家己通見誚的沫(phèh)；是離開個的所在的星，有黑黑暗暗啲(teh)聽候個到佇永遠。

14 垂當第七代的孫以諾識語(chhām-gá)諸個人講：「看啲！主及伊萬萬個聖者來，15 來審判眾人，來責罪一切無敬虔的人為著個用無敬虔所行一切無敬虔的事，及見若無敬虔的罪人所講橫暴(hoài-ok)攻擊伊的話。」16 諸個人兢兢(ngauh-ngauh)噉，怨感(oàn-chhoeh)，照個的私慾來行，個的嘴講誇口的話，為著財利來諂媚(thiám-mī)人。

警告及勸勉

17 所疼的兄弟啊，今(taⁿ)恁著記得咱的主耶穌基督的使徒所代先講的話。18 有給恁講，路尾的時欲有戲謔(hi-hiok)的人照個家己無敬虔的私慾來行。19 個許個(hiah ê)是分黨的、趁血氣、無有神。20 若是所疼的兄弟啊，著佇恁至聖的信家己起造，佇聖神來祈禱，21 著佇上帝的疼家己保守，仰望咱的主耶穌基督的憐憫，到永活。22 有僥疑者

，焦著憐憫伊；有的，焦著搶個
出火，來救個；有的，焦著驚惶來
憐憫伊，連彼個互肉體拍垃塲(lā-
sām)的衣服也著厭熏(iām-ōn)伊。

祝福

今(taⁿ)會照顧焦無著觸(tioh-
tak)、也互焦倚佇(khiā-tī)伊榮光
的面前，無瑕疵(hā-chhū)、有快樂
的，就是獨一的上帝——咱的救主
，願榮光、威嚴、權能、氣力，
對咱的主耶穌基督攏歸伊，對萬古
以前及現今，直到萬世。阿們！

啓示錄

引言及致意

1 耶穌基督的啓示，就是上帝所互伊，來指示伊諸個(chiah ê)奴僕的，就是欲聚聚成(chiàn)的事。伊就託伊的天使去指點伊的奴僕約翰。又約翰就是將上帝的道及耶穌基督的干證，見若伊所有看見的來做干證。3 凡若讀及聽許個(huah ê)識語(chhàm-gú)來守其中所記載的，有福氣，因為日期近啦。

4 約翰寄批互亞西亞七個教會。願恁得著恩典、平安！對彼個現在佇啲(tī-teh)、早佇啲、將來亦佇啲的，以及對伊座位前七個神，古閣對耶穌基督就是忠信的干證、死人中頭一個活的、地上諸個王的主宰。

伊疼咱，用伊的血解放(tháu-pah)咱脫離咱的罪，6 互咱做國，做伊的父上帝的祭司。願榮光、權能歸佇伊，到代代。阿們！

7 伊坐雲來！眾目睷欲看見伊，連鑿(chhak)伊的人亦欲看見伊；地上的族攏欲為著伊來啼哭。實在是按呢。阿們！

8 主上帝講：「我是阿利法，閣是奧美加(o-bi-ka)，現在佇啲、早佇啲、將來佇啲的，是全能者。」

基督的異象

9 我——約翰就是恁的兄弟，相及(sah-kap)有份佇耶穌的患難，及伊的國，及伊的吞悞(thun-lun)的，

為著上帝的道，及耶穌的干證，曾(bat)倂佇(tiàm-tī)一個海嶼名叫拔摩。10 佇(tī)主的日，我互神感動，聽見佇我的後面有大聲親像號頭，講：「你所看見的著寫佇冊裡，寄互彼七個教會就是以弗所、士每拿、別迦摩、推雅推喇(chhui-ngá-chhui-lat)、撒狄(Sat-ték)、非拉鐵非、老底嘉(Ló-ti-ka)。」

12 我就越轉(oat-thg)身，要看及我講話的聲；已經越轉，就看見七支的金燈台。13 燈台中有親像人子的，身軀穿長衫，胸坎繙(hā)金帶。14 伊的頭殼及頭毛攏白，親像白的綿，親像雪；伊的目睷親像火焰；15 伊的脚親像光亮的銅，親像過(kè)火爐鍛煉的；聲親像多多(chōe-chōe)條水的聲。16 佇伊的正手有七粒星，對伊的嘴吐出雙面利的劍；伊的面貌親像炎日射出光。

17 我看見伊，就仆佇伊的腳前，親像瓦。伊用正手按(hōa)我，講：「莫得驚！我是起頭的，及煞尾(soah-bé)的，亦是活的；18 我曾死，今(ta)你看，我是活到代代；閣有死靈及陰府的鎖匙。19 所以你著將所看見的，以及現今所有的，及後來欲成的事，寫伊。20 你所看見、我正手頂七粒星的奧妙(ō-biāu)及七支的金燈台。七粒星就是七個教會的使者，七支燈台就是七個教會。」

互以弗所教會的批

2 1. 「你著寫批互佇(tī)以弗所的教會的使者，講：「正手冊(thāp)七粒星，行佇七支金燈

巴克禮修訂版台語漢字本

偶數頁

巴克禮修訂版台語漢字本

台中的，伊的話講：2 我知你的所行，及你的著磨、吞悞(thun-lûn)，許個(hiah ê)做反的人你亦嬾(bôe)容允伊。許個家己講是使徒其實毋是的，你曾(bat)試驗個，知個是白賊。3 你亦有吞悞，曾為著我的名忍受，無厭倦。4 若是我有所責備你的，就是你已經離開起頭的疼。5 所以，著記得你對叨落(tā-loh)跋落來，著反悔，來行你起頭的所行。若無悞呢，你若毋反悔，我欲到你遐(hia)，徙(sóa)你的燈台離開伊的位。6 若是你猶(iáu)有一項可取，就是我所怨恨尼哥拉黨的所行，你亦怨恨伊。7 有耳孔的，著聽聖神給諸個(chiah ê)教會所講的。得勝的人，我欲將上帝樂園中生命樹的果子互伊食。』』

互士每拿教會的批

8 』你著寫批互你(tî)士每拿的教會的使者，講：』做起頭及路尾的，曾死來復活的，伊的話講：9 我知你的素難及喪鄉(實在你是好願)，許個家己講是猶太人，其實毋是的，就是做撒但的會，個的誘漬(pòng-tòk)我亦知。10 莫得驚你所欲受的艱苦。你看，魔鬼欲得你中間幾若人抗(hiat)落盤，互你抵著(tú-tio̍h)試，你欲受素難十日。你若盡忠到死，我就欲用活命的冕旒賞賜你。11 有耳孔的，著聽聖神給諸個教會所講的。得勝的人，決斷無受著第二擺死的害。』』

互別迦摩教會的批

12 』你著寫批互你(tî)別迦摩的教會的使者，講：』彼個有雙面利的劍

的，伊的話講：13 我知你所住(tòa)的位，就是撒但座位的所在；你持守我的名，亦未曾唔認你的信我；你(tî)卑提恆的日，伊就是做我的干證盡忠於我的，受到(thai)你從中間，就是你撒但所住的位。14 若是我有幾若項欲責備你：因為你你遐(tî-hia)有人持守巴蘭的教；早巴蘭曾教示巴勒得靈礙(thai-gai)的物抗(hiat)行以色列子孫的面前，互個食祭偶像的物，續行姦淫。15 親像悞呢你亦猶原(iá-goân)有人持守尼哥拉黨的教。16 所以，著反悔；若無悞呢，就我聚聚到你遐，欲用我的嘴的劍及個交戰。17 有耳孔的，著聽聖神給諸個(chiah ê)教會所講的。得勝的人，我欲用所圓密(khng-bat)的嘴哪互伊，閣用巨的石互伊，石頂刻新的名；受的人以外，無人識(bat)伊。』』

互推雅推喇教會的批

18 』你著寫批互你(tî)推雅推喇(Chhui-ngá-chhui-lat)的教會的使者，講：』上帝的子目調親像火焰、腳親像光亮的銅的，伊的話講：19 我知你的所行、你的疼，及信，及服事，及吞悞，閣你路尾的所行，比起頭的卡多(chōe)。20 若是我有所責備你的，就是你容允彼個婦仁人耶洗別家己稱做先知的，伊教示閣迷惑我諸個奴僕行姦淫，及食祭偶像的物。21 我互伊有時陣(chūn)通反悔，若是伊無欲反悔離開伊的淫行。22 我欲抗伊你眠床。許個(chiah ê)及你行淫的，若無反悔離開伊所做，我亦欲抗個你大素難。23 我

奇數頁

恭錄人 鄭琦

欲用死滅伊的子兒，就諸個(chiah ê)教會攏欲知，我是監察人的心腸的，亦欲照恁逐人的所行來報應恁。24若是恁佇(tī)推雅推喇其餘的人，凡若無承受此號教示、亦毋識(m-bat)個所講撒但深奧的事，我給恁講，我無用別號的擔(tān)互恁擔(tān)。25獨獨恁所有的，著持守伊，到我來。26得勝的人及守我的行做到路尾的，我欲互伊有權治理列邦；27伊欲用鐵柵管轄個，那準磁(hūi)的器具受拍碎，親像我對我的父承受權柄一樣。28我也欲用啓明星互伊。29有耳孔的，著聽聖神給諸個教會所講的。』』

互撒狄教會的批

3 1「你著寫批互佇(tī)撒狄(Sat-ték)的教會的使者，講：『有上帝的七個神及七粒星的，伊的話講：我知你的所做，你名是活，實是死。2你著警醒，堅固許個(hiah ê)其餘的(teh)欲死的事；因為我看見你的行做，佇我上帝的面前，無一項完全。3所以你著記得你有怎樣受、怎樣聽，閣著執守，亦著反悔。設使毋警醒，我欲親像賊來，你毋知我甚麼時欲來到佇你。4總是佇撒狄，你猶(iáu)有幾若名未曾拍垃圾(lā-sām)個的衫，個欲穿白衫及我血界行，因為個是會堪得的。5得勝的人亦欲掙呢穿白衫，伊的名佇活命的冊，我決斷無擦起來；是欲認伊的名佇我的父的面前，以及伊許個天使的面前。6有耳孔的，著聽聖神給諸個(chiah ê)教會所講的。』』

互非拉鐵非教會的批

7「你著寫批互佇(tī)非拉鐵非的教會的使者，講：『是聖、是真、有大衛的鎖匙、開就無人會關、關就無人會開的，伊的話講：8我知你的所做，你看，我佇你的面前已經有給你開門，是無人會關的。因為你有淡薄氣力，已經守我的道理，未曾毋認我的名。9撒但的會，家已講是猶太人，其實明是，是講白賊的，我欲賞賜你互個來佇你的腳前，閣互個知我已經疼你。10因為你已經守我吞悞(thun-lún)的道理，我亦欲守你脫離彼個試煉的時，此個時欲到佇天下，來試煉攏總倚(khiā)起佇地上的人。11我聚聚到，你所有的著持守伊，免得有人搶你的晃流。12得勝的人，我欲互伊做柱佇我上帝的殿內，決斷無閣出去外面。我亦欲將我上帝的名以及我上帝的域(新的耶路撒冷對天、對我的上帝降落者的名)，閣用我新的名，攏寫佇伊的頂面。13有耳孔的，著聽聖神給諸個(chiah ê)教會所講的。』』

互老底嘉教會的批

14「你著寫批互佇老底嘉(Lō-ti-ka)的教會的使者，講：『做阿們，做忠信真實的干證，做上帝造化的源頭的，伊的話講：15我知你的所做，你是無冷無熱(jiāt)；我願你或是冷或是熱。16你既然是略溫燒(lā-lūn-sio)，毋成熱毋成冷，我欲吐你出我的嘴。17因為你家已講：我是好額，已經發財，攏無欠缺；也明知你是困苦、可憐、喪鄉、瞎

巴克禮修訂版台語漢字本

偶數頁

巴克禮修訂版台語漢字本

眼、襪襪(thig-theh)。18我替你想
 著對我買過火鍛煉的金，通得著好
 額；閣買白衫通穿，互你無露現襪
 襪的見誚；閣買藥膏來抹你的目睛
 ，互你會看見。19見若我所疼的人
 ，我責備來警戒伊；所以著奮志來
 反悔。20我倚佇(khia-tī)門外拍門
 ，聽見我的聲來開的人，我欲入去
 就近伊，來及伊食，伊亦及我食。
 21得勝的人，我欲互伊及我同坐佇
 我的座位，親像我得勝，來及我的
 父同坐佇伊的座位一樣。22有耳孔
 的，著聽聖神結諸個(chiah-ê)教會
 所講的。

天裡的敬拜

4 1. 諸個(chiah-ê)代誌以後，
 我看見，佇(tī)天裡有門開
 。閣有我起頭所聽見的聲，親像號
 頭及我講話的，講：「你上來遮(chia)
 ，我欲將後來所的確成的事指
 示你。」2我隨時受神的感動，忽
 然看見有座位設佇天裡，座位頂有
 啲(teh)坐的。3彼個啲坐的，伊的
 容貌親像碧玉及瑪瑙(bé-ló)；伊的
 座位周圍有虹(khêng)，看了親像瓊
 瑣(chhong-hêng)玉。4座位的周圍
 有二十四個座位；坐佇彼頂面的有
 二十四個長老，穿白衫，頭殼戴金
 的冕旒。5對彼個中央的座位有發
 出閃爍(sih-ná)，及聲，及雷；亦有
 七支燈火點佇座位前；就是上帝的
 七個神。6座位前有親像玻璃的海
 。彷彿(hóng-hut)親像水晶。

座位中及座位的周圍有四個活物
 。前後有目睛滿滿。7頭一個活物
 親像獅，第二個活物親像牛仔，第

三個活物有面親像人，第四個活物
 親像啲(teh)飛的鷹。8四個活物各
 有六個翅，周圍及內面遍身有目睛
 。啲日攞無歇咁啲講：

聖哉！聖哉！聖哉！
 主上帝，全能者，
 早佇啲(tī-teh)、現在佇啲、將來
 亦佇啲的。

9逐擺活物將榮光、尊貴、感謝
 歸互坐佇(tī)座位，活到代代無盡
 者，10二十四個長老就仆佇彼個坐
 佇座位者的面前，敬拜彼個活到代
 代無盡的，閣得個的冕旒抗(hiat)
 佇座位前，講：

11 既的主，既的上帝
 你堪得受榮光、尊貴、權能；
 因為你曾(bat)創造萬物，
 萬物佇啲萬物受創造攞是對你的
 旨意。

書卷及羊羔

5 1我看見坐佇(tī)座位的，
 正手提一卷(khg)，內外攞有
 文字，用七個印封密。2閣看見有
 權能的天使大聲宣傳講：「是誰(chī-chūi)
 會堪得開彼卷，來拆開伊
 的印？」3佇天裡，及地理，及地
 的下面，無一個會開彼卷、抑(á)
 是看伊。4既然尋無一個會堪得開
 彼卷、抑是看伊的，我就大啼哭。
 5許個(hiah-ê)長老的一個給我講
 ：「莫得啼哭！你看，猶太支派的
 獅，大衛的根頭，已經得勝，通來
 開此卷，及許個七個印。」

6我就看見佇座位及四位的活物
 的中間，及佇許個長老的中間有羊
 羔倚啲(khia-teh)，親像曾(bat)受創

奇數頁

(thâi), 有七支角七蕊目調, 就是上帝的七個神, 奉差到普天下的。7 伊就進前, 對彼個坐佇(tī)座位者的正手提彼卷。8 伊提彼卷的時, 就四個活物及二十四個長老攏佇佇羊羔的面前, 逐個有琴及金爐貯香(tóe hiuⁿ)滿滿; 香就是聖徒的祈禱。

9 也吟新的詩, 講:
 你堪得提彼卷(kng),
 來開伊的印;
 因為你受創(thâi),
 曾(bat)用你的血
 對逐族、逐腔口(khiuⁿ-khâu)、逐號百姓、逐國貫人,
 來歸上帝,
 10 互個做國,
 做祭司來服事上帝,
 個亦欲做王佇地上。

11 我閣看, 就聽見座位及活物及長老的周圍多多(chōe-chōe)天使的聲; 個的額數(giáh-siâu) 千千万萬, 12 大聲講:
 受創的羊羔合宜得著
 權能、富有(pū-ū)、智慧、氣力、
 尊貴、榮光、謳喏(o-ló)。

13 閣聽見佇天、佇地、及地的下面、及海面, 一切受造的物, 及其中凡所有的, 攏講:
 謳喏、尊貴、榮光、權勢、
 攏歸互坐佇座位者及羊羔,
 到代代無盡!

14 四個活物講: 「阿們!」許個(hiah ê)長老就佇佇(phak-teh)拜。

掀開封密的印

6 1 羊羔開七個印的一個, 彼時我啲(teh)看, 就聽見四個活物的一個, 伊的聲親像雷, 講: 「來啊!」2 我就看, 有白馬; 騎伊的, 有擗弓, 亦有冕旒互伊。伊就出去, 得勝閣欲得勝。

3 開第二個印的時, 我聽見第二個活物講: 「來啊!」4 閣有一隻馬出來, 是赤的, 有權柄互彼個騎馬的, 對地上搶奪和平, 互人相創(thâi); 閣有特大支刀互伊。

5 開第三個印的時, 我聽見第三個活物講: 「來啊!」我就看, 有黑馬; 騎伊的, 手擗秤(chhin)。6 我聽見四個活物的中間親像有聲講: 「麥一升(chin)一個銀仔, 大麥三升也一個銀仔; 油及酒咄通(m-thang)拍歹。」

7 開第四個印的時, 我聽見第四個活物的聲講: 「來啊!」8 我就看, 有火灰(hé-hu)色的馬; 騎伊的, 伊的名叫做死, 陰府隨(tè)伊的後面同行; 有權柄互個, 通治理地上的四份一, 用刀劍、飢荒、瘟疫, 及地上的野獸, 來滅伊。

9 開第五個印的時, 我看見祭壇下, 有為著上帝的道理, 及為著個所執守的干證, 來受創的人的靈魂, 10 大聲喉叫講: 「聖閣真的主宰啊, 你無審判佇佇(tiām tī)地上的人, 來伸阮流血的冤, 欲到甚麼時啊?」11 就有白衫互個逐人; 閣給個講, 著請歇淡薄欠, 聽候同做奴僕的及兄弟, 就是欲親像個受創的, 數額(siau-giáh)一盡滿。

12 我看伊開第六個印的時，地大振動，日變黑親像毛(mò)黑布，月歸個(kui-ê)親像血，13 天星墜落地，親像無花果樹巨大風所搖，落(lak)未熟的果子一樣。14 天就抵著(tú-tiōh)遷徙(chhian-sóa)，親像軸(chhat)捲起來；山及海嶼攏走差(choh)。
 15 地上諸個(chiah ê)王、大夫、千總、富人(pū-lâng)、猛人，以及攏總做奴僕的、自由的，家己匿仔(bih-ti)山洞、山巖，16 對山及巖講：「壓(teh)仔阮的頂面！遮蓋(jia-khām)阮，通閃避彼個坐仔座位者的面及羊羔的受氣；17 因為個受氣的大日已經到啦，是誰(chi-chūi)倚會住(khiā-ōe-triāu)啊？」
 以色列人十四萬四千受蓋印

1 諸個(chiah ê)代誌了後，我看見四個天使倚仔(khiā-ti)地的四角頭，執掌地的四面風，互伊無吹仔(tī)地；仔海及一概的樹。2 閱看見別個天使，對日出的所在上來，提真活上帝的印。對許個(hiah ê)得著權來傷害地及海，四個天使大聲叫講：3 「地及海及樹，恁莫得傷害，聽候阮蓋印(khām-in)仔咱的上帝的奴僕的頭額。4 我就聽見受蓋印者的數額(siaū-giah)，以色列的子孫眾支派的中間受蓋印的共有十四萬四千。5 屬猶大的支派受蓋印的一萬二千；屬流便的支派一萬二千；屬迦得的支派一萬二千；6 屬亞設的支派一萬二千；屬拉大利的支派一萬二千；屬瑪拿西的支派一萬二千；7 屬西緬的支派一萬二千；屬利未的支

派一萬二千；屬以薩迦的支派一萬二千；8 屬西布倫的支派一萬二千；屬約瑟的支派一萬二千；屬便雅憫的支派受蓋印的一萬二千。
 大陣人對逐國逐族來

9 諸個(chiah ê)代誌了後，我看見，有歸大陣的人，無人會算伊的數額(siaū-giah)，出仔(tī)逐國、逐族、逐號百姓、逐樣腔口(khiū-kháu)的，倚仔(khiā-ti)座位的面前，穿白衫，手攞掠樹枝，10 大聲叫講：「願拯救歸仔咱的上帝，就是坐座位的及仔羊羔！」11 眾天使倚仔座位及長老及四個活物的周圍，面仔仔座位前，敬拜上帝，12 講：阿們！願謳佬(o-ló)、榮光、智慧、感謝、尊貴、權能、氣力歸仔咱的上帝，到代代無盡。阿們！

13 長老的中間有一個應我講：「諸個穿白衫的是是誰(chi-chūi)？對叨著(tā-loh)來啊？」14 我給伊講：「我的主啊，你知。」伊給我講：「諸個是對彼個大的患難出來的，曾仔羊羔的血洗個的衫到白白。15 所以，個仔上帝的座位前，閱仔伊的殿暝日服事伊。坐仔座位的欲倚起仔個的中間來致蔭個。16 個無閱枱(iau)，也無閱嘴乾，日及一切的热燴燴(bōe pek)著個。17 因為座位中的羊羔欲做個的牧者，導個到活的水泉；閱上帝欲對個的目睷拭去(chhit-thi)個攏總的目屎。」

第七個印及香爐

8 1 開第七個印的時，天裡靜靜約略半點鐘久。2 我看見許個 (hiáh ē) 倚佇 (khia-ti) 上帝的面前七個天使，閣有七支號頭互個。3 也有一個天使來倚佇祭壇邊，提金香爐。有多多 (chōe-chōe) 香互伊。4 通參佇 (ti) 眾聖徒的祈禱佇座位前的金壇頂。香煙 (hiūⁿ-ian) 及聖徒的祈禱對天使的手盪 (chhēng) 到上帝的面前。5 天使提彼個香爐，將壇裡的火貯 (tōe) 到滿，拔 (hiat) 佇地裡；就有雷鳴 (tāu)，及諸個 (chiah ē) 聲，及閃爍 (sih-nā) 及地洞。

七支號頭

6 擲七支號頭的七個天使就備辦欲歡 (pūn)。

7 頭一個天使歡，就有雹及火用血相參拔佇地裡；地三份的一份燒燦去 (sio-lio-khi)，樹木三份的一份燒燦去，一切的青草也燒燦去。

8 第二個天使歡，就有親像火啲 (teh) 燒的大山拔落海；海三份的一份就變做血，9 海內所有的活物三份死一份，船隻也三份破一份。

10 第三個天使歡，有大粒星啲 (tōh)，親像火把對天墜落來，就墜佇江河三份的一份以及佇諸個水泉。

11 (星的名叫做「茵蔯 (in-tiān)」。) 水三份的一份變做茵蔯，人多因為諸個水來死，因為伊是苦。

12 第四個天使歡 (pūn)，日的三份一、月的三份一、星的一份一受攻擊、致到個三份的一份變做暗，日

時三份的一份無光，曠時也是按呢。

13 我閣看，就聽見一隻鷹飛佇天中，大聲講：「因為其餘號頭的聲就是三個天使所欲歡的。符起 (khia-khi) 地上的人，有災禍！有災禍！有災禍！」

9 1 第五個天使歡 (pūn)，我就看見一粒星已經對天墜落地，有將無底深坑的鎖匙互伊。2 到伊開無底的深坑，就煙對深坑燭 (chhēng) 起來，親像大火爐的煙；日及空氣擺因為深坑的煙就暗。3 有草蜢 (chhian-meh) 對彼個煙出來，佇 (ti) 地裡；有權互個，親像地裡的蠍仔蟲 (giat-ā-thang) 有權一樣，4 閣有給個講，咁通 (m-thang) 傷害地的草及一切青的物，及逐樣的樹木，獨獨傷害許個 (hiáh ē) 佇頭額無有上帝的印的人。5 閣命令個咁通害死個，只有互個痛疼五月日久。個的痛疼親像蠍仔蟲螫 (chhih) 人的痛疼一樣。6 佇許個日，人欲求死，也嬲 (bōe) 得著；爰欲死，也死閃避伊。

7 草蜢的款式，親像備辦出戰的馬，頭殼頂彷彿 (hōng-hut) 有冕旒親像金，個的面親像人的面，8 有頭毛親像婦仁人的頭毛，個的牙親像獅的牙。9 閣有護心鏡，親像鐵的護心鏡。個的翅的聲，親像多多 (chōe-chōe) 車馬走去交戰的聲。10 個有尾親像蠍仔蟲，亦有菜，個的權會傷害人五月日，是佇個的尾。11 做個的王的就深坑的差使，希伯來的音，名叫亞巴頓，希利尼的

巴克禮修訂版台語漢字本

音，名叫亞玻倫
 12 頭一個災禍已經過身，許個 (hiah ē) 代誌以後，猶 (iāu) 有二項災禍欲到。
 13 第六個天使歡 (pān)，我就聽見有一個聲對上帝面前的金壇諸個 (chiah ē) 角出來，14 給彼個擲號頭的第六個天使，講：「縛佇 (pak tī) 伯拉大河彼四個天使，你著解放 (thān-pāng) 個。」15 彼四個天使受解放；就是所備辦到彼的時日月年，欲害死人三份的一份的。16 馬兵的數額 (siau-giā) 有二萬萬；個的數額我聽見啦。17 我佇 (tī) 是像中看見馬及騎馬的親像按呢，個有護心鏡親像火，親像紫色的玉，親像硫磺 (liū-hng)。馬頭是親像獅的頭，對個的嘴出火及煙及硫磺。18 對個的嘴所出來的火及煙及硫磺，此三項的災禍人三份的一份抵著 (tū-tiō) 害死。19 許個馬的權在佇個的嘴閣在佇個的尾；因為個的尾是親像蛇，閣有頭用許個傷害人。
 20 其餘的人無對諸個災禍死的，猶久 (iāu-ku) 無反悔來改個的手所做，猶原 (iā-gōan) 拜諸個鬼及嬭 (bē) 會看、猶會聽、猶會行，金、銀、銅、石、柴的偶像，21 閣無反悔來改個的劍 (thāi) 人、邪術、淫亂、偷提。

天使及細卷的冊

10 1 我閣看見別個大氣力的天使對天降落，穿雲做衫，頭殼頂有虹 (kheng)，伊的面親像日頭，腳親像火柱。2 手中有細細卷 (kng) 的冊，已經掀開的。伊正腳踏

佇 (tī) 海裡，倒腳踏佇地裡，3 大聲喉叫，親像獅的 (teh) 哮。伊喉叫的時，彼七個雷就出個的聲。4 七個雷對天有聲，我欲寫伊，獨獨聽見對天有聲講：「七個雷所講的，你著封密，莫得寫伊。」5 我所看見佇 (khia-tī) 海及地裡的天使，擲起伊的正手向天，6 指創造天及天裡的物，地及地裡的物，海及海裡的物，活到代代無窮盡的，來咒誓 (chiū-chōa) 講：「以後無閣有時日。」7 獨獨佇第七個天使出聲的日，當伊欲歡 (pān) 號頭的時，上帝的奧妙 (ō-biāu) 就成，照伊所傳互伊的奴僕許個 (hiah ē) 先知的福音。

8 我前所聽見對天的聲，今 (taⁿ) 閣聽見伊對我講話，講：「彼個佇海及地裡的天使，手中所提掀開的冊，你著去提伊。」9 我隨時去就近彼個天使，給伊講：「著用彼卷細細的冊互我。」伊就給我講：「你提去食伊，伊欲互你的腹肚苦，佇你的嘴內欲甜親像蜜。」10 我就對彼個天使的手提細卷冊，來食伊，佇我嘴內果然甜親像蜜，已經吞落去，我的腹肚就苦。11 個給我講：「你著閣識語 (chham-gū) 來論起多多 (chōe-chōe) 百姓，多多邦國，多多腔口 (khin-khāu)，多多君王的事。」

二個干證的人

11 1 有互我一支蘆竹，親像拐仔；講：「你起來！量 (niā) 上帝的殿及祭壇，以及佇遐 (ti-hia) 敬拜的人。2 殿外的院放下咱 (ke-

teh) 莫得量伊，因帝已經互外邦人
 ；個欲跣踏 (thun-tah) 聖城四十二
 月日。3 我欲賞賜我二個干證者，
 個欲穿麻衣，傳道理共一千二百廿
 十日。4 這就是彼個二樣橄欖樹
 ；及二個燈台，就是待佇 (khia-ti)
 全地的主的面前。5 若有人受害
 個，就有火對個的嘴出來，滅個的
 對敵。若有人受欲害個，的確親像
 按呢受害死。6 此二人有權會關密
 天，佇 (ti) 個傳道理的日子伊無落
 兩；亦有權治理諸個 (chiah e) 水互
 伊變做血，罔照個所愛，不管時通
 用透樣的災禍攻擊地。7 到個干證
 明白的時，對深淵上來的獸欲及個
 交戰，罔欲卡贏，來劊 (thai) 個。8
 個的身屍倒佇大城的街路；此個城
 譬喻稱做所多瑪，及埃及，就是個
 的主釘十字架的所在。9 罔對諸個
 百姓、諸個宗族、諸個腔口 (khin-
 khau)、諸個邦國的中間有人三日半
 久看個的身屍，罔毋准埋葬個的身
 屍佇墓裡。10 待起地面上的人就為
 著個歡喜快樂，用物相 (sa) 送，因
 為此二個先知曾 (bat) 困苦待起地面
 上的人。11 過彼三日半，有活的氣
 對上帝出的來入佇個，個就跣 (pek)
 起來待；看見個的人大驚。12 個就
 聽見對又有大聲，給個講：「上來
 遮 (chia)」。13 個就坐雲上天，個的
 對敵亦看見個。13 當彼時，地有大
 振動，城倒十份的一份，因為地動
 來死的人有七千名；其餘的擗驚惶
 ，來歸榮光互天裡的上帝。
 14 第二個災禍已經過去，第三個
 災禍緊緊到。

第七支號頭
 15 第七個天使欲 (pau) 號頭，就
 佇天裡有諸個大的聲响 (teh) 講：
 世間的國成做咱的主及伊的基督
 的國；
 伊欲做王到代代無盡。
 16 佇 (ti) 上帝的面前，坐佇個座
 位的二十四個長老，面仆落來拜上
 帝，講：
 主上帝啊，是全能者——
 現在佇响 (ti-teh)、早佇响者，
 阮感謝你！
 因為你已經掌你的大權來做王。
 18 外邦發出受氣，你的受氣亦臨到
 ；
 死的人受審判，
 罔你的奴僕諸著 (chiah e) 先知及
 諸個聖者，
 及敬畏你的名者，
 無論大細，你用報賞互個。
 罔敗壞地的，你亦敗壞個，彼個
 時到啦。
 19 上帝的殿佇天裡的就開，佇伊
 的殿內伊的約櫃看現現。就有閃爍
 (sh-nā)、及聲、及雷鳴 (tan)、地動
 、以及大電。
 婦仁人及龍
 12 1 罔有大兆頭 (tiau-thau) 出
 現佇 (ti) 天裡：一個婦仁人
 身軀穿日頭，伊的腳下有月，頭殼
 戴十二粒星的冕旒。2 亦有懷孕，
 因為欲生子的艱苦，痛疼就喉叫。
 3 罔有別個兆頭出現佇天裡：有大
 尾亦色的龍，七個頭十個角；頭殼
 戴七頂王帽。4 伊的尾拖天頂的星
 三份的一份，墜落地。龍倚佇 (

巴克禮修訂版台語漢字本

偶數頁

巴克禮修訂版台語漢字本

hia tī) 欲生子的婦仁人的面前，聽候伊生子，就欲吞伊的子。5 婦仁人生查甫子，就是欲用鐵杓治理萬邦的；伊的子受帶到佇上帝以及伊的座位。6 婦仁人就走去曠野，佇遐(tī-hia)有上帝所備辦的所在，互伊佇遐得著養飼一千二百六十日。

7 佇(tī)天裡就有交戰。米迦勒導伊的差使去及龍交戰，龍亦導伊的差使去交戰，8 龍(bie)會贏，佇天裡個就無閣有所在。9 彼尾大龍就受拔(hiat)落，就是老蛇，稱做魔鬼，亦稱做撒但，迷惑普天下的。伊受拔落佇地裡，伊的差使亦及伊受拔落。10 我就聽見佇天裡有大聲講：「咱的上帝的拯救，及權能，及國，以及伊的基督的權，今(tā)擺到啦！因為控告咱的兄弟的，就是暝日佇咱的上帝的面前控告個的，今已經受拔落啦。11 個因為羊羔的血及個所干證的道理，來卡贏伊。雖然到死，亦無疼惜個的生命。12 所以，諸個(chiah ㄅ)天及倚起(khia-khi)佇彼中間的，恁著歡喜！若是地及海有災禍！因為魔鬼已經落到恁遐(hia)，有大受氣，因為知伊的時無倏久。」

13 龍看見本身受拔佇地裡，就寫逐(khūn-tiok)彼個生查甫子的婦仁人。14 就有大鷹的二支翅互婦仁人，互伊飛去曠野，到伊的所在，離開蛇的面前；佇遐得著養飼一期候，閣二期候，閣半期候。15 蛇佇婦仁人的後面，對伊的嘴吐出水，親像河，欲給伊流去。16 地幫助婦仁人，就開嘴吞龍所吐出的河水。17 龍受

氣婦仁人，就去及婦仁人其餘的後裔(hō-e)交戰，就是守上帝的誠、有耶穌的干證的。彼時龍就倚佇海邊的沙頂。

二隻獸

12 1 我閣看見一隻獸對海裡起來，有十支角七個頭，許個(chiah ㄅ)角戴十頂王帽，頭殼頂有謗瀆(pōng-tok)的名。2 我所看見的獸，親像豹，伊的腳親像熊的腳，嘴親像獅的嘴。龍用伊的才能，伊的座位，及大權互伊。3 我又看見許個頭殼的，一個，親像受劍(thai)到死，伊致到死的傷得著醫好。通世界奇怪來隨(te)彼知獸，4 閣拜龍。因為伊尊(bat)用權互獸，亦拜獸，講：「是誰(chi-chūi)親像獸啊？閣是誰會及伊交戰啊？」

5 閣有一個嘴互伊的(tek)講大事及謗瀆的話，閣有互伊權來行代誌四十二月日。6 伊就開嘴，講出謗瀆上帝的話，來謗瀆伊的名及伊的會幕，及許個俗佇(tiam tī)天裡的。7 閣有互伊權通及聖徒交戰，來卡贏伊；閣有互伊權來治理逐種族、逐號百姓，逐號腔口(khiū-khau)、逐邦國。8 倚(khia)起地面上的人，個的名無記佇(tī)活命冊的，擺欲拜獸，此個冊就是對創造世間的時受劍的羊羔者。

9 凡若有耳孔的，著聽！
10 若有捺(liah)人的，亦欲互人捺；用刀剖人的，亦欲受刀剖。
聖徒的吞悞(thun-lan)及信在佇此個。

11 我閣看見別隻獸對地裡起來，

恭錄人 以章牧力

奇數頁

有二支角親像羊羔，伊的講話親像龍。12 閣將頭一隻獸的權，攙行佇伊的面前，閣互地及倚起 (khia-khi) 地上的人拜頭一隻獸，就是彼隻抵著 (tū-tiōh) 致到死的傷閣得著醫好的。13 閣行大神蹟，甚至佇 (ti) 人的面前，互火降落地。14 閣對伊所得著行佇獸的面前諸個 (chiah ē) 神蹟，來迷惑倚起地上的人，給倚起地上的人講：「著給彼隻抵著刀傷猶原 (iu-gooñ) 活啲 (teh) 的獸做像。」15 閣有權互伊，通用活氣入佇獸的像，互獸的像會講話，亦互見若無拜獸的像的抵著劍 (thai)。

16 伊亦互眾人，無論大細，好額喪鄉、自由的、做奴僕的，攙互蓋印 (khām-in) 的記號，或是佇正手抑是佇頭額，17 人若無彼個蓋印的記號、就是獸的名抑 (ā) 是伊的名數額 (siāu-giāh)，就擔 (bōe) 得到罌毒。18 智識在佇這：有聰明的，著算獸的數額；因差是人的數額，伊的數額就是六百六十六。
十四萬四千人的歌

14 1 我閣看，看見羊羔倚佇 (khia ti) 卮山 (Sūn-sōa)，及伊佇啲 (ti-teh) 的有十四萬四千人，攙有羊羔的名及伊的父的名寫佇 (ti) 個的頭額。2 我聽見對天有聲，親像多多 (chōe-chōe) 條水的聲亦親像雷大鳴 (tān) 的聲，閣我所聽的聲有親像彈琴的啲彈個的琴。3 個佇座位前，亦佇四個活物及長老的面前，所吟的親像新的詩；彼個詩無人會學習，獨獨對地上受買出的十四萬四千人會若定。4 諸個 (chiah ē)

人是咁會染 (bak) 著女色的，是貞潔的人。諸個人是陸 (te) 羊羔，無論叨落 (tā-loh) 去。諸個人是對人的中間受買出，做起頭熟的果子獻互上帝及羊羔的。5 個的嘴無自賊：個是無瑕疵 (hā-chhū) 的。三個天使的信息。

6 我閣看見別個天使飛佇 (ti) 天中，有永遠的福音通傳互佇佇 (tiām ti) 地裡的人，亦互逐邦國、逐種族、逐號腔口 (khiū-khāu)，逐樣百姓。7 伊大聲講：「著敬畏上帝，將榮光歸互伊！因為伊審判的時到啦。亦著拜彼個創造天、地、海，以及諸個 (chiah ē) 水泉的。」

8 閣有別個天使是第二個。陸 (te) 佇後面講：「倒壞啊！倒壞啊！大的巴比倫就是互萬邦飲伊淫亂、惹著受氣的酒的。」

9 閣有別個天使第三個，陸個，大聲講：「若有拜獸及伊的像，以及受蓋印 (khām-in) 的記號佇頭額抑 (ā) 是佇伊的手裡的，10 伊也欲飲上帝大受氣的酒；就是無透的，斟 (thi) 佇伊受氣的酒杯。閣欲佇聖天使的面前及羊羔的面前，受著火及硫磺 (jiū-ñg) 的苦楚。11 個受苦楚的煙渴 (chhēng) 上高，代代無息。閣拜獸及伊的像，以及受伊的名蓋印的記號的，日暝無適得著安息。」12 聖徒的吝懷 (thun-lan) 是在佇比個；這就是守上帝的誠及守耶穌的信的。

13 我聽見對天有聲講：「你著寫伊；今 (tā) 以後，佇主來死的死人有福氣！」聖神講：「是啦，互個

巴克禮修訂版台語漢字本

息個的著磨來安息，個所做的工也
隨個。」

地上的收割

14 我閱看，看見有白的雲，有親
像人子的坐佇(tī)雲的頂面，頭殼
戴金的冕旒，手攆利的鏢仔(kooh-

ai)。15 閱有別個天使對殿裡出來，
對彼個坐佇雲的頂面的大聲叫講：
「著伸出你的鏢仔來割；因為收割
的時已經到，是地上的五穀(ngō-

kok)已經熟啦。」16 坐佇雲裡的，
就掀(hiat)伊的鏢仔佇地裡，地上
的五穀就收割。
17 閱有別個天使對天裡的殿出來
，伊也攆利的鏢仔。18 閱有別個天
使對祭壇出來，就是有權通治理火
的，大聲對攆利鏢仔的叫講：「伸
出你利的鏢仔，收地上歸球的葡萄
，因為葡萄到水啦！」19 天使就掀
伊的鏢仔佇地裡，來收地上的葡萄
，掀落上帝大受氣的酒窟。20 彼個
酒窟佇城外受踏，就有血對酒窟出
，高到抵著(tū-tioh)馬咬韁(bē-kā-

七個天使掌管路尾的災禍

15 我閱看見別個非頭佇(tī)
天裡，大閱奇怪，就是七個
天使有掌七項災禍，就是路尾的，
因為上帝的大受氣對諸個(chiah-ê)
來盡

2 我閱看見玻璃，及火相參(sa'-
chham)的海。閱看見許個(hiah-ê)
得勝來脫離獸及伊的像以及伊的名
的數額(siau-giah)者，佇佇(khiā-
ti)玻璃海，攆提上帝的琴，3 吟上
帝奴僕摩西的詩及羊羔的詩，講：

主上帝——全能者啊，

你的所做大閱奇怪！

歷世代的王啊，

你的道路義閱真靈！

4 主啊，是誰(chi-chhi)咁敬畏歸榮
光你的名啊？

因為獨獨你是聖。

列邦欲攏來敬拜佇你的面前，

因為你公義的所行已經顯明。

5 諸個(chiah-ê)代誌了後，我看
見佇(tī)天裡彼個做證據的會幕的
殿已經開。6 許個(hiah-ê)七個天
使有啲(teh)掌七項災禍的，對殿出
來，身軀穿寶石清亮閱光明，胸坎

纏(hā)金帶。7 四個活物的一個將
七個金碗互彼七個天使，內面貯(tōe)
滿彼個活到代代無盡的上宰
的大受氣。8 對上宰的榮光及伊的
權能，就殿裡有煙滿滿。閱無人會
入殿，聽候到七個天使七項的災禍
行盡。

上宰大受氣的碗

16 我聽見有大聲對殿裡出，
給七個天使講：「恁去，將
許個(hiah-ê)貯(tōe)上宰大受氣的
七個碗傾(piān)佇(tī)地裡。」

2 頭一個就去，將伊的碗傾佇地
裡，就有惡毒的瘡生佇許個有獸的
記號者，及拜伊的像者。

3 第二個將伊的碗傾佇海裡，海
就變做親像死人的血，海中的活物
一盡死。

4 第三個將伊的碗傾佇江河及諸
個(chiah-ê)水泉，水就變成血。5
我聽見掌諸個水的天使講：

現在佇啲(ti-teh)、早佇啲、聖者

奇數頁

恭錄人 郭貴玲

啊，
 你是公義因為你按呢審判；
 6 因為個曾流聖徒及先知的血，
 今(tān)你用血互個飲；
 是個所應該的。
 7 我閣聽見祭壇啲(teh)講：
 主上帝——全能者啊，是啊，
 你的審判是真實閣公義！
 8 第四個將伊的碗傾佇(piaⁿ-tī)日
 頭，就互日頭會用火燭(pek)人。9
 人受大的炎熱所燻，就謗瀆(pōng-
 tók)彼個有權啲(teh)掌理諸個(chiah
 ē)災禍的上帝的名，閣無反悔來辭
 榮光伊。
 10 第五個將伊的碗傾佇獸的座位
 ，獸的國隨時黑暗。人因為艱苦就
 咬個的舌；11 閣因為個的艱苦，及
 個的瘡毒，就謗瀆天裡的上帝，也
 無反悔個的所行。
 12 第六個將伊的碗傾佇伯拉大河
 ，伊的水連鞭(liām-piⁿ)乾去，欲為
 著東方的列王來備驛路。13 我閣看
 見有三個污穢的神，親像田蛤仔(
 chhân-kap-á)，對龍的嘴、及獸的嘴
 ，及假先知的嘴出來。14 個就是諸
 個鬼的神，會行神蹟的，出來就近
 普天下的王，招集個佇(tī)全能上
 帝的大日期的交戰。(15 你看)我
 來親像賊。掣醒來顧守伊的衫，免
 得褪褪(thng-theh)來行、互人看見
 伊的見誚的就有福氣！)16 彼三個
 就招集列王佇一個所在，希伯來的
 書叫做亞瑪玉頓。
 17 第七個將伊的碗傾佇空氣、就
 有大聲就殿內對座位出，講：「咸
 (chhiā)拉！」18 就有閃爍(sih-
 hā)

有聲、有雷鳴(tān)，地亦大振動，
 對地上有人到今(tān)、未有地動親
 像按呢的大，19 大城就裂做三個，
 列邦諸個(chiah-ê)城亦倒壞；上帝
 亦記得大城巴比倫，就將杯貯(tóe)
 伊極大受氣的酒互伊。20 逐個海峽
 擺逃走，諸個山擺無去。21 閣有大
 雹對天降落佇人，逐粒重幾若十斤
 。人因為雹的災禍，就謗瀆(pōng-
 tók)上帝，因為彼個災禍真大。
 大淫婦及獸'

17 1. 許個(hiah-ê)提七塊碗的
 七個天使，其中一個來及我
 講話講：「來，我欲將彼個坐佇(tī)
 多多(chōe-chōe)條水的大淫婦所欲
 受的審判互你看。2 地上諸個(chiah
 ē)王曾(bat)及伊行淫，倚起(khī-
 khī)地上的人已經對伊淫亂的過來
 醉。」3 我受神的感動，互天使導
 我去曠野，我就看見有婦人騎朱
 紅色的獸；彼隻獸遍身有謗瀆的名
 ，有七個頭十支角。4 婦人穿紫
 色及朱紅色的衫，用金、寶石、真
 珠來妝飾(chng-thā)；手裡有金的
 杯，貯諸個可惡的物，以及伊淫亂
 的污穢滿滿。5 有名寫佇伊頭額講
 ；「奧妙(ō-biāu)！大的巴比倫，就
 是地上諸個淫婦及諸個可惡的物的
 老母。」6 閣看見一個婦人飲聖
 徒的血以及干證耶穌若的血到醉。

我看見，就大奇怪。7 天使給我
 講：「你啥事奇怪？我欲將婦人
 及伊所騎七個頭十支角的獸的奧
 妙給你講。你所看見的獸，早有
 今無，後來欲對海洲來，就稱
 佇巴倫。倚起佇地上的人，個的名

巴克禮修訂版台語漢字本

對創造世間的時無記佇活命的冊的
 看見彼隻獸，早有，今無，亦欲
 閣佇啲 (ti-teh)，就欲奇怪。9 有智
 慧的心在佇 (ti) 此個。七個頭殼是
 七座山，就是婦仁人所坐佇彼頂面
 的，10 閣是七個王；五個已經倒，
 一個現在佇啲 (ti-teh)，一個猶 (iau)
 未到；伊若到，就的確暫時佇
 啲。11 彼個早有現在無的獸，就是
 第八個；也是彼七個在內，也歸佇
 沈淪。12 你所看見十支角就是十個
 王；未曾得著國的，獨獨欲及獸相
 及 (sa-kap) 得到權，親像王半時久
 。13 個擻同意將家己的才能、及
 權柄互獸。14 個欲及羊羔交戰，羊
 羔欲卡贏個，因為伊是萬主的主、
 萬王的王。及伊佇啲的也欲卡贏，
 因為個是夏召、夏揀、忠信的人。

15 天使閣給我講：「你所看見擻
 總的水，淫婦訂坐的，就是諸個 (chiah-e)
 百姓、諸個眾人、諸個邦
 國、諸個腔口 (khin-khán)。」16 閣你
 所看見的彼十支角及彼隻獸欲怒恨
 此個淫婦，也欲互伊冷靜褪褪 (thng-theh)，
 閣欲食伊的肉，用火一
 盡煨伊。17 因為上率曾互個有此號
 心來成伊的旨意，閣同心將個的國
 互獸，聽候上率的話應驗。18 你所
 看見的婦仁人就是彼個啲 (teh) 管理
 地上列王的大城。」

巴比倫倒壞

18 1 諸個 (chiah-e) 代誌了後，
 我看見別個天使對天落來有大權柄，
 地上對伊的華光來光。2 伊大聲叫講：

大的巴比倫倒壞啦！倒壞啦！
 今 (ta) 成做鬼倚起 (khia-khi) 的所
 在，
 及擻總污穢的神的監牢，
 以及擻總無清氣可鬼 (khó-ò) 的
 鳥的鳥籠 (chiau-lang)。
 3 因為萬邦對伊淫亂惹著受氣的酒
 來倒壞。
 地上諸個 (chiah-e) 主曾 (bat) 及伊
 行姦淫；
 地上諸個生理人已經對伊的奢華
 (chhia-hōa) 到極，致到好額。
 4 我閣聽見對天有別的聲講：
 我的百姓啊，著對題 (hia) 出來，
 免得有份伊的罪，也免得受伊的
 災禍；
 5 因為伊的罪抵天 (tū-thi)；
 伊逐號的不義，上率記得。
 6 著照伊款待人的，來款待伊，
 照伊的所行加倍報應伊；
 佇 (ti) 伊所調和的杯，今 (ta) 也
 加倍調和來互伊。
 7 伊曾怎樣華光家己，來奢華，
 今互伊艱苦悲哀也照按呢，
 因為伊心內講：
 我是坐啲 (teh) 做王，
 並毋是寡婦，
 決斷繪 (böe) 抵著 (tū-tiōh) 悲哀。
 8 所以一日的中間，
 伊的災禍擻欲到，
 就是死無、悲哀、飢荒。
 伊也欲互火煨燬去 (sio-lió-khi)，
 因為審判伊的主上率就是大氣力
 的。
 9 地上諸個王，平素及伊行姦淫
 來奢華的，看見煨伊的煙，就為著

恭錄人 鄭貴玲

奇數頁

伊悲傷啱哭。10 因為驚伊的艱苦，就遠遠倚啲 (khia-teh) 講：慘啊！慘啊！

大城巴比倫，堅固的城啊，

因為一 (it) 時間你的審判到啦。

11 地上諸個 (chiah ê) 生理人也為著伊悲傷哀慘，因為無人認買伊的貨；12 就是金、銀、寶石、真珠、幼葛 (iu-koah)、紫色、絲綢、朱紅諸個貨、及逐號的香 (hiu) 柴、逐號象牙的器具、逐號貴氣的柴、銅、鐵、白石的器具，13 也有肉桂、(jök-küi) 荳蔻 (tōi-khō)、香料 (hiu-liāu)、香油、乳香、酒、油、幼麵、麥、牛、羊、馬、車、奴僕、以及人的靈魂。14 你的心所喜愛的果人已經離開你；

你的好食

及好看的物概無去，

決斷無閣看見。

15 做諸個物的生理人，對伊得著好額的，因為驚伊的艱苦，欲遠遠倚 (khia)，悲傷哀慘，講：

16 慘啊！慘啊！此個大城，

平素穿幼葛，

紫色、朱紅色的衫，

用金、寶石、真珠裝飾 (chng-thā) 的。

17 因為一時間，到許 (haih) 大的好額更做荒廢。

逐個舵公 (tāi-kong) 及搭船去逐所存的，及水手，連仔 (ti) 海裡趁食的，攞遠遠倚 (teh-khia)，18 看見燒伊的煙，就喉叫講：「叨落 (tā-lōh) 一個城親像此個大城啊？」19 閣用塵埃擄 (sām) 頭殼，悲傷哀慘

，喉叫講：

慘啊！慘啊！此個大城。

凡有船仔海裡的，攞對伊的豐盛來致到好額！

因為一 (it) 時間成做荒廢！

20 天啊！諸個 (chiah ê) 聖徒及先知啊！

您適因為伊來歡喜，

因為上帝將您所受的審判來審判伊。

21 有一個大氣力的天使吞 (gia) 石，親像大的石磨 (chiōh-bō)，攞 (hiat) 伊仔 (ti) 海裡，講：

巴比倫 大城也欲親像按呢大沈受攞落，

決斷無閣看見。

22 彈琴、作樂 (chok-gak)、歡 (pūn) 筓、歡號頭的聲音，

決斷無閣聽見仔你的中間；

逐樣工藝的師傅決斷無閣看見仔你的中間；

揆磨 (oe-bō) 的聲決斷無閣聽見仔你的中間；

23 燈的光決斷無閣照仔你的中間；

新子婿及新娘的聲，決斷無閣聽見仔你的中間。

因為你的生理人平素做地上的尊貴者；

萬國也對你的利街來受迷惑。

24 閣先知及聖徒，及地上一切受劊 (thāi) 的人的血，攞仔此個城尋著。

19 1 諸個 (chiah ê) 代誌了後，1 我聽見仔 (ti) 天裡有親像歸大陣人的大聲講：

哈利路亞！

拯救、榮光、權能攏是咱的上帝
的！

2 是伊的審判真靈閣公義；

因為伊曾審判彼個大淫婦，就是
用伊的淫亂敗壞地土的，

閣對伊討流伊的奴僕的血的罪，
來伸個的冤。

3 個閣再講：

哈利路亞！

幾伊的煙溜 (chhèng) 上高，

到代代無盡。

4 彼二十四個長老及四個活物仆落

敬拜坐佇 (tī) 座位的上帝，講：

阿們！哈利路亞！

羊羔的婚筵

5 有聲對座位出來講：

凡若恁做咱的上帝的奴僕，

來敬畏伊的，無論大細，

攏著謳唵 (o-16) 伊！

6 我聽見有親像群大陣人的聲，親

像多多 (choē-choē) 條水的聲，親像

雷大鳴 (tân) 的聲，講：

哈利路亞！

因為主——咱的上帝，

全能者做王啦。

7 咱著歡歡喜喜，

將榮光歸與伊。

因為，羊羔婚筵的期已經到；

伊的新娘已經家已備辦好啦，

8 就有與伊穿光明清氣的幼葛 (iū-

koah) 布。

(因為幼葛布是聖徒所行的義。)

9 閣給我講：「你著寫伊：凡若

受召來赴羊羔的婚筵的有福氣！」

閣給我講：「諸個 (chiah ē) 是上帝

真靈的話。」10 我就仆佇伊的腳前

欲拜伊。伊給我講：「千萬毋道 (

m-thang)；我及你，以及你的兄弟

有耶穌的干證者，平平是做奴僕，

你著拜上帝。」因為耶穌的干證就

是失知的神

騎白馬者

11 我閣看見天開。就看見有一隻

白馬，騎伊的稱做忠信真靈，伊的

審判及交戰，無咁公義。12 伊的目

睛是火焰，頭殼頂戴多多 (chōe-

chōe) 王帽；閣有名寫啲 (teh)，除去

伊本身以外無人會識 (bat)。

13 伊穿

灑 (hia) 血的衫；伊的名稱做上帝的

道。14 佇 (tī) 天裡的軍兵騎白馬，

來隨 (tè) 伊，攏穿幼葛 (iū-koah)，

白閣清氣。15 閣有利劍對伊的嘴出

，通用伊來拍列邦。伊也欲用鐵枊

治理個，伊也欲踏全能的上帝大受

氣的酒窟。16 佇伊的衫及腳腿有寫

一個名講：「萬王之王，萬主的主

。」

17 我閣看見一個天使倚 (khia) 佇

日頭的中央，大聲喉叫給天中攏總

的飛鳥講：「來聚集赴上帝的大筵

席，18 適來食諸個 (chiah ē) 王的肉

，千總的肉，勇士的肉，馬及騎馬

的人的肉，凡若自由的做奴僕的，

序細 (si-soē) 序大的肉。」19 我閣看

見獸及地上諸個王，及個的軍兵攏

聚集，欲及騎馬的以及伊的軍兵交

戰。20 獸就夏掠 (liáh)；彼個假的先

知也及伊同夏掠，就是前曾佇獸的

面前行神蹟，來迷惑許個 (hiah ē)

受著獸的記號以及拜獸的像的。此

二個活活坎 (hiat) 佇硫磺 (iū-n̄g) 的

(teh) 燒的火湖；21 其餘的與彼個騎

馬的嘴內所出的劍劍(t̄h̄i)死個；
眾鳥攏食個的肉到飽。
一千年

20 1 我閣看見天使對天落來，
手裡有深淵的鎖匙及大條鐵
鍊。2 就揀(īh̄)彼尾龍，就是老
蛇，也是魔鬼，及撒但，縛(p̄k)伊
一千年久，3 揀(hīt)伊落深淵，關
緊，用印封伊(t̄i)彼頂面，互伊無
通閣迷惑列邦。聽候一千年滿，以
後的確暫時解放(t̄h̄u-p̄ng)。

4 我閣看見許個(chīh ē)座位，
也有坐伊彼頂面的，有得著審判的
權互個。閣看見許個為著做耶穌的
干證，及為著上帝的道來受創(t̄h̄i)
頭的人的靈魂，以及毋曾(bat)
拜獸及獸的像，也無受伊的記號伊
頭額印(ā)是伊手裡的，諸個(chīh
ē)攏得著活，來及基督做工一千年
。5 (其餘的死人無活，聽候彼個
一千年滿。)這是頭一擺的復活。
6 有份伊此個頭一擺的復活的有福
氣呀，是聖呀！第二擺的死管個贖
(bōe)著。個欲做上帝及基督的祭司
，也欲及伊做王一千年。

拍贏撒但
7 彼個一千年滿，撒但欲受解放
出伊的監，8 就出來迷惑地上四方
的列邦，就是各及碼各，聚集個來
交戰。個的數額(siā-gīh)親像海
沙。9 個就起來遍滿全地，續圍困
聖徒的營及得著爽的城，就有火對
天降落，來滅個。10 迷惑個的魔鬼
受拔落火及硫磺(jī-ng)的湖，伊遐
(tī-nī)也有獸及假的先知。個欲嘆
日受苦楚，代代無盡。

末日的審判
11 我閣看見一個白色大的座位及
坐伊頂面的；地及天對伊的面前逃
走，無閣有個的位處。12 我也看見
死人，大及細，攏倚伊(kh̄i-ti)座
位前。諸個(chīh ē)冊就掀開，閣
有別本冊掀開，就是活命冊。死人
就照個的所行，憑諸個冊所記載來
受審判。13 海就交出伊中間的死人
；死及陰府也交個中間的死人；逐
人就照個的所行受審判。14 死及陰
府也拔落火湖；此個就是第一擺的
死就是火湖。15 若有人無記名伊活
命冊的，也拔落火湖。

新天新地

21 1 我閣看見有新的天新的地
；因舊前的天前的地已經過
去，海也無攏有。2 閣看見聖城就
是新的耶路撒冷，出伊(t̄i)天，對
上帝降落，已經備辦便，親像新娘
妝飾(chng-t̄h̄i)，來聽候的丈夫。
3 閣聽見大聲對座位出講：「上帝
的會幕伊人的中間。上帝欲及個相
及(sā-kap)倚起(kh̄i-kh̄i)，個會做
伊的百姓。上帝本身欲及個伊呀(t̄i-
teh)，來做個的上帝。4 閣欲給
個的目睭拭去(ch̄h̄i-kh̄i)攏總的目
屎；無欲閣有死失，也無欲閣有哀
傷、喉叫、痛疼，前的代誌已經過
去。」

5 坐伊座位的講：「我揀新高物
！」閣講：「你著寫伊：因事諸個
(chīh ē)話是通(th̄ng)信，是真實
。」6 閣給我講：「已經成(chin̄)'
啦！我就是河利法及奧美加(o-bi-
ka)：是起頭的，及路尾的。我欲對

活命的水泉自白互嘴乾的人飲。7
 得勝的人，欲承接諸個：我欲做伊
 的上帝，伊欲做我的子。8 若是許
 個(hi ah ē)小膽的，唔信的、可惡
 (khó - ò)的、劊(thâi)人的、淫亂的
 、行邪術的、拜偶像的，及攏總自
 賊的人，個的份額是付(tì)彼個用
 火及硫磺(jiū - xg)啲(teh)燒的湖：此
 個就是第 2 擺的死。1

新耶路撒冷

9 彼 7 個天使就是有 7 塊碗、貯
 (tōe)滿路毛 7 項災禍的，其中一個
 來及我講話，講：「來，我會報你
 看新娘，就是羊羔的某。」10 我就
 受神的感動，互伊導去一座山大閣
 高，將聖城耶路撒冷出佇天裡，對
 上帝降落的報我看。11 有上帝的榮
 光；伊的光親像第一隻貝的玉，親
 像碧玉，光亮親像水晶。12 有牆大
 閣高，有十二個門，佇諸個(chiah ē)
 門有十二個天使，也有名寫諸門
 裡就是以色列子孫十二個支派的名
 。13 東勢有三個門，北勢有三個門
 ，南勢有三個門，西勢有三個門。

14 城牆有十二個地基，地基頂有羊
 羔十二使徒的名十二個。

15 及我講的天使，有金的蘆竹做
 碼尺(ko - ch hi oh)，欲量彼の城及伊
 的門伊的牆。16 城的四方(sū - ho ng)
 ，長闊平平。用蘆竹量城，得著十
 二千里，長、闊、高攏相同；17 天
 使量城牆，得著一百四十四尺，照
 人的尺寸，就是天使的尺寸。18 牆
 用碧玉來起；城是好金的，親像清
 亮的玻璃。19 城牆的地基有安逐等
 號的寶石：頭一個地基是碧玉：第

二個是藍玉(lām-gêk)；第三個是璵
 玉(chhông - gêk)第四個是青玉；
 20 第五個是紅玉；第六個是瑪瑙(bé
 - ló)；第七個是黃玉；第八個是綠
 玉；第九個是淺(khí n)黃玉；第十
 個是翡翠玉；第十一個是紫色玉；
 第十二個是赤玉。21 十二個門是十
 二粒真珠，諸個(chiah ē)門逐個攏
 是一粒珠做的。城的街路是好金的
 ，親像透底光的玻璃。

22 我無看見城內有殿堂，因為主
 上帝——全能者及羊羔做伊的殿堂
 。23 城無只用日抑(ā)是月來照伊
 ；因為上帝的榮光照伊，羊羔做伊
 的燈。24 列邦的人欲倚靠伊的光來
 行；地上的王欲將個的榮光帶來歸
 佇伊。25 城門日時都無關，因為佇
 遐(tì - hiá)欲無暝時。26 人欲用列邦
 的榮光及尊貴帶來歸佇伊。27 凡若
 無清氣的物，以及行可惡自賊的人
 ，決斷嬾(bōe)得入遐：只有記佇羊
 羔的活命冊的會得入。

2 2 1 天使閣報我看城內街路中
 有活命水的河，清亮親像水
 晶，對上帝及羊羔的座位流出。2
 河的雙旁有活命的樹，結十二樣的
 果子，每月結伊的果子；伊的樹葉
 做醫治列邦的路用。3 攏無攏有咒
 詛；是上帝及羊羔的座位欲住的遐
 (tì hiá)；伊的奴僕欲服事伊，4 也
 欲看見伊的面。閣伊的名佇(tì)個
 的頭額。5 無閣有暝時；也無只用
 燈的光及日的光，因為主上帝欲照
 光個。也個欲做王，到代代無盡。
 基督再臨

6 閣給我講：「諸個(chiah ē)話

是通 (thang) 信是真實。這就是先知人的神的上帝，有差伊的天使，將擊擊的確欲成 (chiáⁿ) 的事指示伊的奴僕。」 7 「我緊緊到！守此本冊識語 (chhám-gú) 的話的有福氣！」

8 我約翰就是聽見、閣看見許個 (hiah ê) 事的；已經聽見、閣看見，就仆落佇 (tī) 天使的脚前欲拜伊，彼個天使就是將諸個 (chiah ê) 事指示我的。 9 伊給我講：「千萬唔通 (m-tang)！我及你以及你的兄弟，就是諸個先知，及守此本冊的話的，牢牢是做奴僕。你看拜上帝。」

10 閣給我講：「莫得封此個冊所有識語的話，因為日期近啦。 11 不義的，互伊恁原 (iū-goân) 不義；污穢的，互伊恁原污穢；義的，互伊恁原行義；聖的，互伊恁原做聖。」

12 「我緊緊到！報應在佇 (chhái-tī) 我，欲照逐人的所做來報伊。 13 我是阿利法閣是奧美加 (o-bi-ka)；是頭一個，是路尾的；是起頭，是煞尾 (soah-bó)。」

14 洗清個的衫的人有福氣！欲互個有權佇活命的樹，閣對諸個門入城。 15 佇外面就有許個狗、行邪術的、行淫亂的、台 (thài) 人的、拜偶像的、及一切好 (hò) 白賊來行伊的。

16 「我——耶穌已經差我的天使為着諸個教會，對恁證明諸個事。我是大衛的根頭，答是伊的後裔 (hò-ê)；是去光的啟明星。」 17 聖神及新娘籠講：「來！」聽見的人看講：「來！」嘴乾的人看來；哀

廢的人，通白白得着活命的水。警戒加減此本冊的預言

18 我對凡若聽此本冊識語 (chhám-gú) 的話的人做干證，設使有人加添 (ke-thiⁿ) 伊，上帝欲將此本冊所記的災禍加添佇 (tī) 伊； 19 設使有人刪除 (san-tū) 此本冊識語的冊的話，上帝也欲對此本冊所記活命的樹及聖城，刪除伊的份額。

20 干證諸個 (chiah ê) 事的講：「著 (tiah)，我緊緊到！」阿們！主耶穌啊，你看來！

21 願主耶穌的恩典及眾聖徒相及 (saⁿ-kap) 佇阿 (tī-teh)。阿們！

